

Atur Naka Ekanisa Loka Perugamo

Jeffersonville, Indiana, USA

60-1207

1 Eebo. Kwana, kamaka, ejokunar agwetar ngin. Eebo.

Iyalama oni noi ajaut ne bobo atibong na toma aijaanakin naka Ejakait. Ido akuar nakabian apupi teni eong ebe adolu Apugan naka Ikar Elukumit. Ido kwana kijaar oni kede ice, eyuunit eong ebe ejaas aceingiseta ne, ido abuni eong aibwaikin kes oisawoka tetere...aomit eong-eong ebe erai na ailipa...kanu ailipakinio. Ido ijai oni...ido abuni eong aitam abongonokin ejok koipone loapedoria eong.

Atemar, korai opedorete yesi alimokiin Doc arai tikepedo ngesi agwetar ngin," ebe...ecaikinit eong cut kane, aso mam eong arai loepodokinitos itunga. Ijeni ijo, mam eong arai ediopet kotoma ikalimonokak kalu luepodokinito itunga. Aso ejok arai emamei ngin, aomit eong.

2 Abu eong elip ngin, Doc. Ajai eong aitoronokiin, ajai eong-eong aitoronikin, itei ijo. Oo, oo, inyobo iswamai ijo...? Ejai ijo aibelokin ngin kokuju kalaije kosodi aitetenikin nges? [Kinerakinos Onac Branham kede onaceke, Doc-Ekewa.] Oo, eebo, ojalak ngin ajalakin. Eebo. Eebo ojalak ngin ajalakin. Oo, mam! Kwana, mam kereka ijo icakari ngin. Eebo. Amina eong ngin kwana ejok. Acepakio...Ido mam eong aminakit aica ailoreikit cut koreetekon. Ijeni ijo. Ido-ido kocaik kwap lailo neapedoria eong asesin ejok. Eyalama eong noi, ipa. Ebuni ngin ayangaikin nges etiai.

3 Ijeni ijo, mam ijo ipedori angetakin kotoma aturio kanu nuka ekanisa. Ido lolo neajaar eong esisiai kotoma kana, abu eong kalimok akaberu, eong ebe, "Oo, ikatunga! ajaatar eong kikokoron luilosikina alimonokin irwana akaisakany cut kotoma kana." Ianyu? Ido eraas kesi bon ...emamei eipone lokiswamaete ngin konye erai bon atironor nuapolok, dodo aticepak arai kiwadikau oni eitabo itami do oni aibwaikin nuipu tomake.

4 Mam eong abu kaany ijo kane, onac. Biai bo ijo, Onac West? Apupun eong napena iyemuto lukajokak, ebe abu ekal lokawasia loka Onac Daulton kolom toma, etelepata loce je...apese nace ya. Itomon ngul, mam? Ikanykaongon. Iitunit ijo arai ngin kotoma aijaanakin nakitetet neabu Ejakait kolimokina nges kangina ebe...aponio aitajar ekekal. Ajai lem eong elipanakini kes, abwoi kangina komam ajeni nuabeit eong einer, abu Emoyo Lokalaunan kotema ebe, "Ainakini ijo ekonikal." Ianyu? A-ha. Ido ekonaki nen, nginidiopet kakesi. Koany eipone loiswama Edeke? Itei ijo, Akekiro itekooro, mam cut kes, cut kes ibiroros. Eebo, mam oni ikoto alomar toma owai loka aitangal naka Edeke, itamit oni atemar ebe bon ebe...atutubet na, kotoma owai loka aidwar.

5 Kwana, atibong na, abuni eong bon aitam einer, ido arai apedori eong, ido ibuni alomar toma atutubena nuka akiro nukolo nuka atur nakapolon naka ekanisa, nakiareit...araibo atur nakiuniet naka ekanisa nakijai oni toma atibong na. Yesi ijaas ainumunum ngin? Erai naeumokina noi. Aomit eong ebe eumokina eipone loesirerengio Ejakait Yesu oni kosodi ainakin oni iboro lu, ido kisiyalamikit oni ngin kede itauonowok kere, ainakin oni ejenun eroko apak nupote aiswamaun koingaren. Ejeni Ngesi awasia kotoma ageunet, ido kwangin iyalama oni noi kanuka ngun. Aso imunokina oni Ejakait aisirereng oni.

6 Ido abu eong kamisiik, akuar naka bian, abu Emoyo Lokalaunan koinak oni (akaulo naka aijaanakin angetakin) aisiiranareta auni ka itauon iuni. Cut becebec. Ido nakejaar Emoyo einer, kosodi abongun kotoma aijulunet nakawasia, abu kinyogok, ebala, "Nuelimonokini Emoyo ikanisan..." Oo, "Ngin yenejai akit, kopup nuelimonokini Emoyo ikanisan." Bon...Ido Emoyo inera kotoma ainakineta nuka ekanisa. Oo, kodong ekanisa ngin kede aiyapaara kwana, itei ijo, koric ngin kede aiyapaara. Kocoite; ebuni Satan, aitam aileleb ijo kotoma aidules naka angeseteke. Ekoto ijo kojoni ejok ebe erai Emoyo Lokalaunan apak kere. Ido arai erai Emoyo Lokalaunan, ebuni Ngesi einer kede aitebeikin neejai icebore yenejai alosit iingaren. Erai kanuka aisinyikoikinio naka ekanisa. Ianyu? Ido arai kiraunos yesi luyapaara kede ngun, ebuni do Edeke ainakin yesi nuipu. Itei ijo, ainyikokin aiyatanakin nuipu ka nuipu. ido kwape...

7 Kwana, ejai lem itunganan yen inomi esimu ido kingitanar...Itunga inomete isimun lolo ido kingisitos apak naejaunor aijaanakin naka aitangal. Kwana, atipet kengetakinos aijaanakineta nu, Asabiiti naetupakini ebong, ajai eong alosit awai adaun apaarasia adis, asubit bala esienguni ber ikaporotoi mot, ido Asabiiti naetupakini, arai kitojok Ejakait, ibuni oni ajaun kede aijaanakin naka aitangal, atupuruc kaNasabiiti naetupakini. Ebuni ngin araun...mam eong ajeni apak naebuni apaaran ngin araun, konye ebuni araun esabiiti anyoun...18, Nasabiiti tupu-...ngin edolit, Onac Neville? Umm? [Kongokini Onac Neville ebe, "Eebo, ipa."-Ekewa.] Nasabiiti tupuruc, 18, ailipanakin lukadekak.

Ido kotoma kana, ekecokoniwok kane, mam eong adumunit arereng alimun nuipi nuikamunitos nges, konye akoto eong yesi kere, aitam airiamun kede ecokoniwok. Erai ngesi cut abeit o-onac obe kotoma Kristo. Iyalama oni ajaut kede onac lo...itopolounitai kotoma apetetait naka Methodist kede alaunit. Ido oni kere ijeni Orman Neville, idiotunganan kere kane ejeni. Emamei itunganan yenedepori aidod ebokorit toma ajarake. Tieong...Mam nges eminakin eong alimunun kwangin, konye ejok eong ainakin nges aisialamikinet kwana, itia ainakin nges aisialamikinet naepol kedau aekar. Ianyu? Ido kwana nges apak.

8 Akuar adiopet ajai eong alomari kinga naka ekanisa kosodi icetunganan atemar ebe, "Oo, Onac

Branham, abeit esialaminkit eong alimonokin ngin.”

Kasodi eong atemar ebe, “Eyalama.”

Doodo ajai icetunagan ebwoi kokek, (erai ikar luipu kokau, kalaije kokanisa) abu ekejaanakinan, kotema ebe, “Eebo, kisirerengitete Edeke, mam eong akoto idiotunganan alimokin eong ngun.” Ianyu? Ebalala, “Akoto eong aibuses kere alosit neejai Edeke.”

Abu eong katema ebe, “Eebo, elosi.” Ianyu? Kasodi eong atemar, “Eebo, amina eong ngin, eong da elopet.” Eong ebe, “Abeit cut amina eong ngin.” Kasodi eong atemar, “Ekoto eong arai lomunot.”

Kosodi ngesi atemar ebe, “Eebo, mam eong aminakit itunga alimunun ngun nuikamunitos eong. Kisirereng Edeke!”

Abu eong katema ebe, “Ejai bon atiaketait adiopet eong kede ijo: arai eong loenera abeit kanuka ngin, ido ijo mam.”

Idiotunganan kere eminakit...arai kilem ijo ikoku yenididi, kosodi aitur nges mot, ebuni aswam aswam naejok adepar. Ianyu? Edolit ngin. Ianyu? Ido Edeke duc, eminakit nges alimokin ikedwe nakiswamata ejok. Ijo iminakit alimonokin kes nakiswamata erono, aso inyobodo mam alimokin kes nakiswamata ejok? Ianyu?

9 Aso abeit cut esiyalamikit eong Edeke kanuka Onac Neville araut ekecokon loka esipan kokanisa kalo kane. Ido asesen etunganan ngol, loka apetetait naka Methodist, iyapi a...Inyobo, esubit bala ikoto ainyam kooteri lokaronan. Aso...Konye ajenun kotoma Omoyo Lokalaunan lokapolon, ido kwana abunore nejaas ainakineta ngun; ido eipone loitwasama Emoyo Lokalaunan nges kaica nemam nges itwasama aijeneke elopet. Kongicak aijulunet kede adoketait ngipengin, ka aikeunun ka aijesanar ngipengin, kwape bala ikiroria luka itunga ka luka aiboisio, kaceda, kosodi ainyakun abongokinet ngin cut bobo.

Ido onac lo lodidi, mam eong aomit ebe ngesi...Junior Jackson. Eebo, abuni eong asalakin elilingi, Junie. Esiyalamikinit eong Edeke kanuka Junie Jackson, abeit cut ejaatar onac kainakineta nakaumokin kama ejai Ejakait.

10 Ido duc kosalak iyapaara. Kwana, nginitungann kokanisa ejaas ibore yenebeit aswam; konye mam ibwaikini ngin kosiep kanuka idiobore, inyalak ngin kede ekanisa kere. Erai kanuka Edeke, iboro kere. Ianyu? Ianyu? Mam kereka nginitunganan kere ekoto einer kede angejepa, nginitunganan kere aijul.

Otam aswam idiobore yenajokan ido kinyikok araut itunganan yenijok; mam imakakina odinget, anyunyura, mam icamakini adiodwaris. Mamace arai erono itunganan biai ido arai inerasi kesi erono biai nuikamunito ijo, mam cut iomoomoi erono kotaukon asurwokin kes; naarai kanen elomuni ajokit toma, aiswamaun icebore kanepakanen cut. Idar ngun kere cut korapiara kede amin naka Edeke, kolimo, ka aitemokin, ido iswama nuejokak nejaas ngul luiswamainikinite ijo erono. “Arai iswama ijo nuejok bon nejaas ngul luiswamanakinete ijo nukajokak, inyobo,” Ikadiakanarak, nginitunganan kere epedori aswam ejok nejaas ngul luiswamanakinete kes ejok. Konye korai yenijok nejaas ngul lumam ejokuka nekon, kiswama icebore kanuka ngul lumam iswamaete ibore kanukon. Kinera akirot najokan kanuka itunganan yenepedori einer nueroko neijai ijo, ido koipone kangol irengeari ijo adwaris na kere kotaukon; ido ijai duc ijo iminanara kede nginitunganan do kere, bon ebe isalakinit ijo toma amin.

11 Kwana ibala ijo ebe, “Eebo, apotu kesi...” Mam oni irai ikatubok, Edeke nges erai ekatubon. Ido mam ijo ibuni akot ekesa lokican airengeario awai, biai ijo ikoto? Abeit cut mam, mamace nueraas kesi. Mam ti ijo ikoto ngun, aso kotam araut yenisiana nekec. “Ido amin erapiari adikanareta nuka epuak.” A-ha. Eebo, ipa. Amin, ejok, amin naka Edeke, naka Ekristayone.

Arai kenyou etunganan kosodi anyara ijo “lokalaunan loibelibelo” ka iponesio kere luka ikiroria, kwana-kwana mam iswamai koipone kangol, itei ijo, arai mam ijo ipedori aswam koipone kangol, konyou anyoun awai. Konye kotoma otaukon, ekoto ijo kojai toma aiboisit naibalar ijo ebe, “Eebo, ngin...kwana, aticepak, onac, korai ijo komisiikinite, kwa amisiikinitor eong, ti ijo ipupi kwape apupio eong nuikamunito ngin.” Ianyu? Ido oraun yenijijim mamake, ido kojalak kolot iingaren koipone kangol. Ido karaida ipedori oni ketegelikina kwape elwanar kide kanejai to, mam ngin eyangauni aitegelikinet adio.

12 Kwape abalar eong akuar kaya, ajaatar eong onac lo e...etunganan elopet ekiliokit, Melvin; eoja ngesi, koreng akou. Kwana, mam bobo isio iputo adepar kwape tikimameotor isio aijen adio cut. Ido ekosi-ekosipud itegelenikina, ka akosikot itegelikina; konye kereka korai totoke nges totoka, papake nges papaka, erai ngesi onaceka. Ianyu? Naarai kiurunitai isio okal ediopet.

Kwana, itegelikina isio. Mam Melvin erai Ekristayot, ido eminakit nges baseball, aiteker asigirian, ka iboro kwape kangul. Ido aomit eong-eong emina ngesi chocolate pie, aso ajeni eong ejok ebe itegelikina isio kanen. Aso mam eong-eong amina aiteker asigirian, arai abolia naka baseball, aminakit eong ailok agaria ka amej. Ianyu? Ido mam nges ibelokini akekan kanuka ngun, ido eong da mam abuni aibelokin

akakan kanuka kwa. Aso do, itei ijo, konye eminakit nges chocolate pie ido eong aminakit cherry. Aso do...

13 Kwana, mam eong ajai aitijenar, itei ijo. konye abu eong kalim apak adiopet kotoma ariamun kanenice, ebe amina eong Chocolate pie, ido akuar natupakini abu eong ajaunos kede nepetai chocolates ikany...arai cherry pie, ido abu eong ajaunos nepetai kede chery pies iwongon arai ikany abu iinac kope kosodi ainun eong. Ikatunga! Isio apotu kajaunos kede eyubili kangina kagoolaka! Konye, mam eong-eong apeleikinit ngin koipone kangol. Ianyu?

Aso apeleikinit eong ngin kanu bon aitodikin yesi aitegelikinet, itei ijo. Konye mamace nuebala ngesi, erai ngesi onaceka. Ido aso mam nges erai Ekristayot naarai eseseni ngesi iboro kotoma aica ace, aseseni eong iboro kotoma Aica ace naka Kristo; konye kereka mam eong apedori alimun ebe mam nges erai onaceka, naarai kirai isio inacan lueurunitai kokal ediopet.

14 Kwana, atibong naka bian, abu eong alem atakunet, nakawasia ngin. Ido eitunit eong kwana, abu aisiiraret nasodit kobu okanisa akaulo naka ngun nuijenete yesi nukec, alemar kokwap kangina ko Kentucky, arai ebe epote iboro luitegelikina ajaun toma ariamun na luepote aisiriengun itunga. Iitunitos yesi ngun? Ejai atepu, kwana. Ianyu? Akuar natubor aponi kopukoro i diopet kakesi. Aso abu kosub bala abu kobwou mot, konye ajeni eong ebe ipotu yesi ikamutu; naarai abu Emoyo Loakalaunan koyangau, abeit ngin araut: "Okatwak Namam edaun, emamei ibore ngin kotoma Obaibuli."

Emamei okatwak Namam Edaun. Karai ijo kojaatar Namam edaun...arai kinoki ijo kogeena ikar lumam edaunos, akepolou ijaatar do ijo kaijar Namam edaun tetere ipedori ajaut ngina, arai ijari ijo. Ido ejai eipone ediopet bon loka Aijar Namam Edaun, nges Edeke! Ianyu? Aso, kosodi mam Ebaibuli isisianakini egeena lomam edaun, isisianakini egeena loka "ikar kere." Epedori ngin korai adaun ikar imilioni in itomon, mam eong ajeni, konye ejai adaun.

Naarai ajai eong aitolomun Ngin toma ne. abu eong kebwa ngin kama ejaas ikanisan ka iboro kiton eong...ikamunitos eong kanu alimun Ngin. Kosodi do ejaas iboro luipu toma nen lueraas eong ikamunitos akiro kanu alimun Ngin, ido aso do nginikuar idumuni oni kes.

15 Konye kana, agear atibong na kolosi iingaren, kogeu anapakin akoniwomoom nakomoyo, itei ijo, kitolomik Emoyo Lokalaunan Ngol toma. Ido arai kipup ijo kosodi amamus acamanar kede Ngin, kolot awai kosodi atemar, "Onac Branham lokican, mam-mam cut teni nges ejeni. Alosi eong ailipanakin nges." Ido kiswama ijo ngun, kosodi abuni eong...ebuni Ejakait ainakin eong ajenun anibodo erai Abeit, konye itimok do ijo eong aitimokin, ido mam-mam irengeari eong awai. Aso epedori ngin aticepak korai abeit, ngin da, konye, oo, ajai do eong kede apak naejok kaomite ebe erai koipone kalo. Aso erai ainakin ngoliwai kere kolomu ejok. Ido eong, oo, apedori eong kebucarite; konye aticepak ejai itutubet nen yenimam eong ajeni nuke, aso aticepak ijani ijo, ido kilip ijo itodikini eong Ejakait ngin.

Ido kwana, kaitelekarit, kinyikokisi ailipanakin idiopet kayenice ido mam cut icamakini ajokit aitodikin ijo adwaris adio kanenice kere. Ianyu? Idarata ikusitauon kolaete kotoma osawa kalo, naarai ijai oni toma osawa loka agolokin naka akiro nukakwap kana. Ianyu? Ijai oni awasia, ipapero, komamei etoribe edio loka abunokin.

16 Kwape kibunio kwap kotoma aturio kanu nuka ekanisa, ilosi kwana oni aanyun keyapie apak, ido aticepak aimwausike kere atiibong na. Ijai nepetai aigang ka adumun apetetait nekijaar oni agolokin ngin, ido kwana atibong na ipukori oni iceboro lu teni eraas iboro lukomoyo. Kiitu kwana, alimunit eong ngin ebe, ejaun ijo akapakin akoniwomosiso nukomoyo. Konye kongicak Naiwadikatai, ekoto ngin kojai toma kaNaiwadikatai. Ianyu? Kwana kiitu...Aijen bon naka Akirot, naka atemar ebe, "Eebo, abu eong kalot osomero. Alosit eong osomero loka akiro nuka ediini. Abu eong kalot osomero." Mam ngin erai ibore. Kere kereka Iparisayon ka Isadukayon da eswamato ibore ngipengin, kosodete atwakiar aanyun Yesu kede amairon imilioni. Ianyu?

17 Nuiwadikatai, apupokinio kaNuiwadikatai, "ibwaitai kama ejaas luka acoa ka luka aijen, kosodete apukokin idwe ludidik kwape kalu epedorete aisisia." Aso koraun ijo ka eong idwe kasodete aitebeben iwokitauon, kasodete atemar ebe, "Ejakait, Ijo-kolimokinai Ijo isio, ido isio-ijai isio apupokinit." Kosodi aikamun aswam nakomoyo, naarai ijai oni adolokin atur nakapolon naitegelikina naka ekanisa.

18 Kwana, aomit eong ebe arai kes ngun kere. Kwana kiitu akuar naka moi, ijai oni toma atur ace naka ekanisa kangini kuar. Ido ajeni eong ejok cut ebe ibuni ajaun kede apak naepol noi kanu aisisia apaaran kere kotoma kana, kosodi akuar naka moi da. Konye, itei ijo, luipu kotoma kakesi ejaunos iswamaete ido abuni aitam alemun nuapolok bon nuka aisiiraret, atironor aiboisio nuineritai nukec kane, naipedori ijo alemun adiopet kotoma kakesi kosodi ainyikokin, aisisia ngin kiton mam eong apedori alimun arai ai ebuni adolore. Itei ijo? Konye...Kosodi ijo aisisia ngin kokinga ore, ido abuni eong ailipanakin ijo, ido kilipanakin ijo da eong, ido kisirerengi Edeke oni kere nepepe kwape ikedwe luyuuunito.

Kwana, eroko oni kegeuna, mam eong ajeni arai ebuni ationor noi kane ijai ijo karai ti oni kapedorete

aibwo.

19 Ido yesi ijenete ibore yenaminar eong aibwo kasodi ailip? Abala Yesu ebe, "Nakibwoata, kilipete, kilipata ebe, 'Papakosi lokotoma Akuj.' Ido kisionitos idiopet kayenice." Itei ijo? Kosodi Gideon aseun akejore apak adiopet koipone loka ngul kalu opotu kobwoutu kosodete ailur kwap kosodete aimiel akipi kede angajepa, araibo ngul luapotu kobwaata kosodete alemun akipi. Itei ijo? Aso ngul luapotu kibiroros kwap, luajaas-luajaas akukonokin akonyen nuka aputosia, ido abu ngesi kojen ebe mam kes arai luebusakinit alosit. Aso luabwoete kidetunito akecekonye aikweny apak kere. Koipone kangol nges kiswama oni, aibwo kasodete ailip. Kwana eyuunit eong akukokin kwap kosodi ailip, da; konye, aibwo kosodi ailip, aomit eong ejai apolouke mamawok eceipone.

Ketulurwoto awokokwes kwap kwana, kituluritete ngolita da:

20 Lokasianut Papa lokotoma Akuj, kwape kwana kijaar isio adolokin kaiyapaara Eicolongokon loka etube. Ido mam isio ibunit ailip Ijo atubokin isio, naarai kimudiario isio kere, konye ibunit isio, kengaingaitos "Aitim, Wu Ejakait!" Kobukokinai isio, atibong na, nuka EmoyoKon Lokalaunan; mere ebe naarai ibusakinit isio, konye naarai ebe mam isio kibusakinit, ido ijenu isio ngin ido kimisiik da, ido ibunit mere kokiror kosi ikulepek, naarai mam ilosikina. Emamei isio adolit, arai-arai idiobore, adolitekosi naka aidules erai idipaica lokaronok kotoma AkonyeneKon. Kwangin do ibuni isio kaiyapaara kOkiror loka Ejakait Yesu, kayangaunitos Nges koingarenekosi, Aokot nuka Aitutuket, kadakitos Ngin kotauonokosi, isio kabalas ebe, "Edeke, kitimoi isio ikadiakanarak luingaingaitoi kanuka aitimio kotoma apak naka aridakinio." Ebe, adiopepaaran naelimonokinere alimokin nakawasia, mam isio ijeni ebe iwori ejaunor ngin; apak nakawasia naejaunor aiwororet kotoma okwam; ebuni Ebaibuli agolokinio kolutaari; imakakinos akanin; ido epote arupepen aruo; ebuni akolong alomar. Wu Edeke! Kibwaai do eong, Wu Atiida naka Aturio, kotoma osawa kangol.

21 Ido iseseni isio emamei aiku kwana, emamei ibore dimarai kotomaKon. Iseseni isio akwapin etiakatiakaunos. Iseseni isio Ebaibuli itodolikin. Iseseni isio Isirael ikwaruni. Iseseni isio Aisiiraret neejai Ekanisa. Ido eapie apak angetakin, kotoma apak naka iboro lukapolok apukorio, ido Aipuceta Akanykaarei epukoros

Edeke, Edeke, Wu Edeke, kitimoi isio, kingaingaitoi isio kanuka aitimio. Ido kwape ebulesitikon, engaingait eong aitim kanuka nginidiopet yenejai toma Ajakut naka Edeke atibong na. Edeke, kinyek idiopetunganan ajaun kakidingosikosi yenejaatar kadiakar kotauonokec, konye kitalaunai ngin kwape kwana kede Aokot nuka Ejakait Yesu, tetere isio kere ijaun toma aiboisit ngin naka aiyalama ngina kuju adepar akuj.

Ido kwape adolokina eong Naiwadikatai na atibong na, Papa, oo, mam eong elosikina. Edeke, emamei idiopet da kotomakosi yenilosikina. Icamunit isio ebe emamei ibore yenijeni isio, Papa, konye igongakina isio kaiyaapaara neejai Emoyo Lokalaunan ebe kopukok Ngesi mamakosi. Kwape kipukoria isio-isio kotoma aijenekosi naka adam nakiinakinit Ijo isio, akiro nukolo, koinak Emoyo Lokalaunan apolou nakomoyo nejaas itauonokosi. Koinakinai ngin, Papa, naarai idarit isio Ijo kOkiror loka Yesu OkokuKon. Amen. Ipedorete yesi aibokin.

22 Kotoma osula lo 2 loka Eitabo loka Apukokinio, ido ekanisa lokiyareit, atur nakiuniet. Ageun...[Inera inac ace kotoma angajep ace-Ekewa.] Kitimoi eong.

Papakosi lokotoma Akuj, Ekonikiror koyongitete, AkabakanutuKon kobu, nuikoto Ijo kiswamai kakwapin kwape iswamaere kotoma Akuj. Ilipit isio Ijo ajaun kede isio, Papa, ido kisirereng isio, kosodi aingarakin isio araut ikadukok lukacoa kotoma osawa kalo loka aridakinio kakidingos naka itunga. Nejaar aitolitiluna ka kere elosete iingaren, kitaraunai isio lujjokuka noi, Ejakait, araut iKonibulesin kotoma Okiror loka Kristo. Amen.

Kwana, abu eong kageu ber alimun ngun, etetere yesi ijenunete. Yesi ipotu koanyutu ebe aijulunet mam abu kobu neejai Akiror? Enyonyoikinitai inaciwok kede Emoyo Lokalaunan, komam abunokin, konye abu ngesi koinak aisiiraret akaulo nadaunere adolokin toma Akiror, itei ijo. Erai bon adis mot kotoma ainapeta nuka ibore. Kwana, adolit ngin, inac naminat, nuirai ijo kere. Emoyo Lokalaunan kamakon, oo, mam epatana atitingikin ngin koipone kangol, ajeni eong. Eputos bala...Arai nakilimunio ijo ibore arai yenice kosodi...Itei ijo, konye adolit ngin; konye aticepak ibu ijo kopupi ngin eroko da ber ngun kegeuna, itei ijo. ido ngin nges apolou, itei ijo, ebonguni naiswama Emoyo. Imoyon luka inabin erimaritos inabin, itei ijo. Ngesi ijo.

23 Kwana, aticepak kinyonyoikini Emoyo Lokalaunan ijo bobo, bon...Amuno eong ebe inyonyoikini Ngesi, atipet ekaulo edaun aijaanakin. Kosodi do ijo angicakin aijulunet ebuni, itei ijo, naarai ekoto cut kaitebeikin korai kotoma ainapeta, itei ijo; konye ijai oni agear adolokin Akiror, itei ijo, kotoma kane. Aso, kwana, arai ngin cut teni naka Edeke, arai teni; eyuunit eong ngin ido apupi eong ngin kede ekatau, naarai abu eong kapup abongun-abunore ebuni neejai ngin, itei ijo. Konye Emoyo Lokalaunan...mam ber kerai apak. Ejaatar Ngesi kaisiiraret neejai inac kanuka ekanisa, konye ne nges iswama Ngesi

AisiirareteKe kwana. Itei ijo, mam Nges epedori aitotolikin bon, ibwaikini Ngesi iboro kere toma ainapeta. Ajeni eong ebe nginitunganan emisiikinit, itei ijo, edolit ngin cut.

24 Kwana kotoma-kotoma osula lo 2 loka Eitaabo loka Apukokinio. Ido...Ageutu atibong na kede-kede Atur naka Perugamo, esula lo 12. Kwana, akuar naka bian apotu oni ajalakisi kokokoro lo 11:

Ngin yenejai akit, kopup nuelimonokini Emoyo ikanisan; Ngin yenipikori mam epilikini cut atwanare nakiareit.

Kwana, kotoma atur nasodit naka ekanisa, idumuni oni ebe aponi kogeunai atolomun Inikolain. Abu Edeke kopukor kwape...Abu Yesu kopukor kwape Edeke Lokapedor kere: emamei bobo ece, emameete atutubeta, emameete itutuben luka Edeke, arai Ngesi Edeke bon.

25 Kwana, kotoma atur naka ekanisa naka akuar nabian, idumuni oni ebe abwoi Ngesi kokek kosodi Ngesi aiwadik iboro lu neejai ekanisa, kosodi alimokin kes nuka icanikec. Konye abala Ngesi ebe ajaas kesi neejai...Inikolain lu, ka ice da, lualait Ngesi.

Akuar naka bian araas kesi...anapito kesi aboko naka lukalaunak luaponi koarai kanuka Akiro Nukajokak. Abu Ngesi kolimok kes mam akurianar, kiton atwanare, ebe abuni Ngesi-abuni Ngesi ajaut kede kes. Kosodi do awasia abala Ngesi ebe, "Ngin yenipikori! Ngin yenipikori mam imusungi atwanare nakiareit."

26 Kwana, arai ejai atwanare adiopet, ido ijeni oni nuikamunito ngin, akepolou iburai kojai atwanare ace nenice; naarai atwanare adiopet kitwaki oni ngin kane kotoma akuan, atwanare nakiareit itwaki oni kotoma omoyo, etau. Erai, "Ido etau loediakari nges etwani." *Atwanare* erai bon, "Anyoun cut kama ejai nginibore kere;" Itei ijo, ijai ijo-ijai ijo...*Atwanare* akepolou, "alemario awai, erai-erai-erai adakario awai, aibwaario awai." Ido naetwakiata luminanawok, aoliosi kesi kotoma atakan kwape kijenia oni. Inyarai oni ngin ebe atwanare.

Konye Ikristayot mam etwani. Emamei Naiwadikatai ebe etwani Ikristayot, naarai ejaatar ngesi kAijar Namam Edaun. Naetwania ikadiakanaran, angetakin ngesi, ido awasiake etwani eketau. Konye naetwania Ikrsitayot, idarit bon ngesi abongun kede Yesu bobo. Oo, amuno eong ebe ajaasi eong kede apak naka adolokin ngun kangeset naka aitapoet atibong na, kiton nen nekibongunio oni bobo; ido ibuni ijo aanyun ngin, eipone loeyangaunia toma ibore ngipengin yenikatwanare nakiareit. Esula ngopengol loijai oni toma atibong na eyangauni toma ibore ngipengin, ido eipone loeraar ibore yenibus kane.

27 Kwana-kwana, atibong na, ilosi oni aisiom ebalua lo katipet, naarai kijaar eong kace-acekiro kotoma akiro nukolo nuikoto oni adolokin ber, kasodi aitam mam aisibo yesi adaun aojau. Kwana, kotoma...akaulo naengetakinotor aijaanakineta nu, ediosawa loasiomia eong da na katipet, arai ikoto ijo adumun eipone lokiswama ngun; ejaatar Onac Mercier kane ka ngun kere, ekopakini eong aiwadikaeta neejai ngesi; ido epedori ngesi naarai ejai ngesi aiwadik etaabo, epedori ngesi ainakin ijo idiobore yenijeni ijo...ijo-yenikoto ijo kotoma ngun. Ebuni ngin araut naejok, Onac Mercier.

28 Ekokoro lo 12:

Ido kiwadikak emalaika loka ekanisa lokotoma Perugamo ebe; inera kwanata ngol loejai ekileng loekwana kowaitin iare kere ebe;

Ajeni mama iboio, neejai eicolong loka Satan; ido ikamunit noi ekakiror, kwabo mam ibu konger aiyuunika, karaida apaarasia nuka Antipa ekajenanika, lomunotoka, loarakinio mamakus, mam iboio Satan.

Konye ejai eong akiro nuikidioko kajo, naarai ejaas ijo itunga luikamunito aisisianakin naka Balaam, loesisianakini Balak acakakin aituguikinet akonyen nuka idwe luka Isirael, ainyam nueinakinio aputosia, ka adotear da.

Ejaas ijo da kwangin luikamunito aisisianakin...(Arai aswamisio kokau kangina kotoma Epeso, kwana araunos "aisisianakin")...aisisianakin naka Inikolain,...(Iitunitosi yesi abu eong kalimok yesi ngun akuar kaya, eipone loabu kodolokinio ngin? Aswamisio ko Epeso, kwana araun aisisianakin)...ai-aisisianakin naka Inikolain, nualait eong. (Umm!)

Aso kitoronokin; konye arai mam iswamai kwangin abunit katipet mamakon, ajiikini kakes...(mere Ekanisa lokabeit)...kakes kekileng loka aitukuka.

Ngin yenejai akit kopup nuelimonokini Emoyo ikanisan. Ngin yenipikori ainakini nges emanu loebwaitai, ainakini da nges (nges) amoru naekwang, ido iwadikatai amoru ekiror lokitetet, lomam itunganan ejeni nabarai yenijauni.

Kwana kisirereng Ejakait Na, kosodi aingarakin oni kwana kwape kitamia.

29 Kwana kotoma nugeunet nusek nuka ekanisa kalo. Erai atur naka ekanisa, naenyaritai Perugamo. Ido apak najaar atur na kerai anyoun kokaru 312, A.D. 312 kiton 606.

Atur arai: aisisianakin naka aingal, Satan ingalai, apetetait naka apugan naka lukipaapa, kosodi edukone ekanisa kede apugan.

Akirot arai: emanu loengadatai, amoru nakwangan.

Ido aacerit, emalaika loka ekanisa kalo, kede kere nuapedori Emoyo Lokalaunan ainakin eong aswam, alem eong Lokalaunan Martin. Arai a-apukokinio nainakinio eong kotoma ngin, kanu aisiom nuka lukalaunak luce kotoma apak kangin. Abu eong kalem Lokalaunan Martin naarai ebe kerai ngesi etunganan loayongit Edeke koipone loajenia eong kerai ngesi ekiyakia irwan atomon kadepar da kwa araar Lokalaunan Patrick.

Kwana, Lokalaunan Patrick kerai ocenike ka Martin Lokalaunan; inacike Martin Lokalaunan nges totoke Patirck Lokalaunan. Ido arai Martin Lokalaunan...ejena, arai ngol mamaike kaPatrick Lokalaunan.

30 Kwana, akeijar arai ageun A.D. 315 kiton 399. Kwana na nges apolou ainakini eong alemuni nges aitelekarit lukalaunak luce kere luka apak kangin, kanuka eipone loayaitor ngesi akeijar. Ido kokwap naka aisinyikoikinet naka Edeke, mam eong eyuunit ebe...

Kwana, mam ekanisa loka Atulik abu kolimo nges, mam kes apotu kocamutu nges, ido ngin nges acepolou ainakini eong alemuni nges. A-ha, a-ha. Ido lu kere lukiseseni oni, lukejaatar kaijaanakin nakomoyo, abu ekanisa ngol losek konger ngin. Abu ekanisa loka Inikolain konger ngin kanuka iboro kalu: araas kesi lukemoyo. Ido kwape enomakitor eong ne, ajakai Ekanisa aicikar kinga ido ajai aisisianakin naka Inikolain ajai toma-ajai toma otunga luipu; ido ekanisa lokabeit ekidioko, ido erai duc kwangin.

Ido kwape alimunitor eong kageunet, arai Yesu nges abala ebe, "Sirikikurianar, isipan yenididi, naarai isiyalamikinit Papakus ainakin yes ajakanut." Nges ebwaikinia eong Akabakanut ebe erai Akabakanut nakomoyo. Ido kijai oni...kijaar oni kAkabakanut nakomoyo, ido kiyalama oni noi kanuka ngun, ido Ekabaka kotoma Akabakanut kana. Kiitu, erai Ngesi Ekabaka loka lukalaunak (*luitalaunitai*), erai Ngesi Ekecekabaka loingarenikit kes.

31 Aijar naka Martin Lokalaunan kerai...era ngesi adiopet kotoma aijar naepol kakere naka idiotunganan naeleleba aswamisio nukapedor kotoma aturio nuka ekanisa. Ageun cut kaneejai Lokalaunan Paul anatar, arai ngesi ediopet kotoma otunga lukemoyo kakere. Arai ngesi...

Adiopet kotoma kanukaumokin kerai...Kerai ngesi esirikalet, kageunet ber da, eyuunit eong. Kosodi apaaran adiopet ajai ngesi atubor kwabo ajai icetunganan...E-ajai etunganan eperi, kitingite aiterot ido komarani, ido itunga kere luakotosi...arai, mam akotosi, konye koraasi lutikepedosi aingarakin etunganan, apotu ngul kotubonoros atubonor kamake bala kwa apotu e-esasedoti ka Elebit kiswamata kotoma akirot naka *Esamariat lokajokan*. Konye nakebunio Martin Lokalaunan atubun kanen, abu kojenu ekepelu kwape ekeyuunan loKristayot, ajaatar ngesi kekooti ediopet, ekabut kokeperinike, abu ngesi kotub ngol irwanarei kede ekekileng, kosodi ainakin atutubet neejai loelipilipittoi, kosodi ngesi ayangar atutubet nace. Ido akuar ngin nges ageunor akeswam, naarai, abu Yesu Kristo kotakanik nges, kotoma aitapoet, imuko kelou kangopengol loabu ngesi kotub kotoma atutubena aarei; naabu kitodolik Naiwadikatai, "Kwape kiswamaikiniata yesi lu, iswamaikisi yesi Eong."

32 Aso koyanga ngin kwape nakisisiauna. Nuiswamaikini ijo idiotunganan, ijai ijo aiswamaikin Kristo. Kiitu aitun. Kwana ijo...Alimutu ber oni ngin nepepe [Korataikinete Onac Branham kede esipan einer nepepe-Ekewa.]: "Nuiswamaikini ijo luce, iswamaik ijo Kristo." Aso mamace nueomit ngesi nuikamunitos ijo, erai nuomit ijo nuikamunitos nges, itei ijo, nges eyangauni arereng.

33 Ngin nges kerai aswamisioitike nakapedor nasodit ido ageunet naka aijaanakinike. Ejaas nuipu neejai ngin, emameikini eong apak. Naarai akoto eong yesi abongun akuar naka moi ido nginikuar, aso mam eong akoto aisibo yesi adaun aojau.

Eebo, aswamisioit nakapedor natupakini naabu eong kaseku einer nuke atibong na.

Ajai ngesi cuticut emudianari eikapirione, ido etepegit kagogong ekanisa loka Rome. Abu ngesi kongerokinos cut kede ekanisa losodit loka ikaanyanarak luka Rome, ngesi...ajaas kesi aputor akwapin ka acie da kwape kangun, kosodi ngesi abwoikin kes. Abeit cuticut etepegit ngesi kes. Erai ngin aswamisioit nakapedor ebe abu ngesi kopedo aijar kotoma apakio nuekote nen. Kwana...

34 Konye ajai ngesi amudiarr atuket naka ikito naka ikapirin kapaaran adiopet ido kojai abwangabwang elutari loka ikapirin, ido ajai ekitoi lokalaunan ebwoi kosiep naka elutari loka ikapirin. Ido ajai ngesi ajepakin ekitoi lo kwap, kobwoete da luipu kosiep konyunyurasi kanuka ngol. Abu ngesi kotema ebe, "Arai arai eong etunganan loka Edeke...Koeneta eong osiep loeriit ekitoi ngol ido kinyekikisi ngol ibirokin eong. Arai arai eong etunganan loka Edeke...Arai mam eong arai etunganan loka Edeke, ebuni ekitoi ngol aiyar

eong. Arai arai eong etunganan loka Edeke, ijerakini Ekadeke ekitoi ngol waice." Erai ainingosit teni! Aso apotu kwi kogeutu aijep ekitoi; ido nakegeuna ekito adoere, abu kibelokin kosodi aiyar atukos naka ikasesenak. Abu Edeke kijerak ngol aibiror kau kuju orongat. Aswamisiolit nakapedor! Oo, apak kere ajaasi aswamisio nukapedor toma aijaanakinike.

35 Aswamisiolit ace nakapedor naabu eong kaomoom einer nuke, nges imukeru yenabu ngesi koper kokujuke. Kosodi ajarun bobo, akaulo na nges ailip kanuka apak naedit kanuka imukeru kayen.

Ace naepol noi kaneajai eong, nges ekepugan. Ido ajai ngol alosit aiyar ice kotoma otunga luka Edeke luilelebas kede Emoyo Lokalaunan. Ido ejena bo ajen ebe kejai ngol akan nakoteten naka-naka episkopi loka ekanisa losodit loka Rome, kotoma apak kangin, ido kaitebeikint kerai ngol ipaapa eroko kenyara nges ebe ipaapa. Ekekiror arai D-a-m-a-s-u-r, ido ayari ngesi Ikristayon kere luapedori ngesi adumun kanu aiar. Kosodi-kosodi aberu naka ekayaiton kalo, akapiirit, ido kojai amuton otaukeng kalopet.

Ido nakebunio Lokalaunan Martin lo loetalaunitai aingainga, abu aberuke kikwenyak nges ebe abunit ngol kanu aitam aingainga kanuka Ikristayon kalu ebe kinyeikinai aiar. Ido nakedolokinio ngesi ngol, mam abu kismawau adiojokis, naarai kerai ngesi loka akan nakoteten naka ipaapa; aso abu ngol koyar Ikristayon luelelebas kede Emoyo Lokalaunan keja ngun da.

36 Konye akoto Martin Lokalaunan ainerakin kede ngol, kosodete ikedarak aitikokin nges korute. Eebo, abu Martin Lokalaunan kibirokin kwap kosodi apero kanen kosodi ailip kiton naetodikinia Edeke nges alomar toma. Nakenyounio nges kanen, abu ngesi kolot neajaas ikekeia ngul luagolol kosodete ngul angaar bonik, kosodi ngesi alosit iingaren.

Kwana, akiro nu, mam nu eraas icetunganan iwadikai nuikamunito nges, ido kwape edisiar...Arai ejai icebore da, ti ejauna atubokinit nasek, arai ti korai ecekanisa inera; karai ti eong katema ebe, nepetai, aitelekarit ekanisa loka lukipaapa, mam ti kes kelimutu iboro ngul. Konye koany, akiro nukolo ineras abeit. Ianyu?

37 Kosodi etunganan lo alosit cut ngina, Lokalaunan Martin, ido cut kotubor kanejai ngolikedaran, ka nginibore kere, cut toma kiton iingaren naka ekayaiton. Ido mam ekayaiton lo akoto ayongit ibulesin luka Edeke. Ijeni ijo, mam ngul eraas-mam ngul eraas iponesio luejokuka. Aso do abu ngol kibelok akekou komam karaida akoto aiyong nges. Ijeni ijo nuabu Edeke iswama? Abu ngesi kotam ainerakin kede ngol ido abu bon ngol kinyikok aimangakinit akekou, kwabo alosi Edeke ainakin ekapiirit lo aiyong Ekebulesit. Kosodi Ngesi aisinepikin akim obore ngin kosodi anomor ngol koicolongoke, kitonyouni ngol, kainakin ngol aibwo.

Kwana ngun-kwana eraas ngun akiro nukolo nuka Ebaibuli, eitabo loenyaritai *Nicene Council*. Ajai ngol aiyong ebulesit loka Edeke; abu Ngesi koinak ngol anyoun aibwo. Abu da kitwaman eicolong loeboio ngol; abu akim kolot aitor akuanike kosodi aitwamanun kwap naka eicolong, ido ajai ngol asomun kuju kanen. Ejaatar Edeke keipone lokiswwamaet iboro, ijeni ijo. A-ham. "Epedori Edeke kotoma amoru kanu aitonyoikin Aburaam idwe." Ido kiitu ebe, Edeke ngopengol iboie kakidingosiwok atibong na. Erai Edeke ngopengol. Eebo.

38 Ido ace namina eong, ido abuni do eong abwoun. Ajaatar eong ace kane, konye adumunit eong...Ido na nges na anaikit eong noi, nakejaar ngesi apak adiopet idarit iketunga, kotoma ailip kotoma agoolake naka aisisia.

Ido nges-kerai ngesi etunganan loepol, ido adakit ngesi Ekanisa lo loeleleba Emoyo Lokalaunan, ido abu kocil oni kere...Oo, arai ngesi e...abu ngesi koany ebe elelebas kesi kere kede Emoyo, ekesipan kere. Ido kere anatar akwap ngin kere, eswamaete Ikristayon aswamisio nukapedor ka aanyunete ka nukaumokin.

Koany, inerakinos Edeke kede Ekekiyakia, inerakinos ekiyakia kede esipan. Ido ngun kes iswamaunos, itei ijo, Ngesi-Idari ngesi esipan ka ngol koputos kaneejai Edeke; itei ijo, Emoyo Lokalaunan elelei kotoma atukosikec.

39 Irwan ipu nakeyarere kes, etobwoete kwi ekejaanakinan cut kakidingosikec (koipone *kangol*) kosodete aiyar kes kere kotoma apak adiopet. Ido nuarokok nuapotu kesi kismawaikisi itunga ngul! Apotu kicweata kes. Apotu koyanganasi ikiliok kosodete aibubu kes kede...kopirin, kosodete alacanakin ingwokuo luededeng, arai...ainakin anyam ageun kokau naka itunganan, airiunun akecemooteka kinga eroko itunganan etwana. Ayanganar angor, kosodete atubonor ikecekisinga, kosodete ainakin ngun abwa kanen kiyengasi ikecetaun, kosodete airurum kiton neangedunotor, atwakare, koipone kangol. Ajengunun ikecedwe kama ejaas angor nuepotiete kosodete aitania ipegei ka iboro, ainakin angor aibwo kosodete asesen ngun. Ka iponesio kere!

40 Kwana, mam ti ijo kiwomoom bala ti itunga luelimoritos Ekristayone epedosi aswama ngun. Konye kopupok, abala Ebaibuli ebe, abala Yesu ebe, "Ebuni aitodolikin ebe eponio aiyar yes, koomitos ebe ejaas aiswamaikin Edeke aswam." Kiitutu, Edeke ngopengol loabu kolim ngun, kotoma Omoyo ngopengol,

adwarit ngun bobo kotoma apak nakawasia. Ejai abunore. Arai apotu nuce nu kibecokinos cut kede Naiwadikatai, kosesen kosodi aanyun arai mam elomun cut bec toma Naiwadikatai ido kotoma akiro nukolo. Abala Edeke ebe abuni aismamaun, kane ebalas akiro nukolo ebe ebuni aismamaun; abala Edeke da kane ebe ebuni aismamaun, ido ejai ne neabu kiswamaunor. Itei ijo, cut bec. Ido anyoika do kilosi oni aswam nakidolokina oni Atur naka Ekanisa loka Laodikia (Itei ijo, neijai oni kwana) ido ican ka iboro elimoritai bobo ngin?

41 Aso, kwana, kosodi do na, ajai ngesi toma ngina ilipi kidarite esipanake. Ido ajai loelipilipitoi loabu kolom okek kosodi aikungukung ekekek, kosodi ngesi angaar ekek (ido apol nges aswam), kosodi ngol alimokin nges ebe akoto e-egoe. Emujalal ngesi ido amameotor idiobore, alilim, kosodi ngesi atemar ebe... Abu ngesi kijuka ngol aanyun edikon loapolon. Kosodi edikon loapolon anyunyurikin kede ngol kosodi airutar ngol kinga. Ido naeswamaunia ngesi ngun, abu konyou, kosodi abongun bobo kosodi alimokin Lokalaunan Martin ebe-ebe abu edikon kirengeu nges kinga.

Ido kwangin do, nepetai apak ngin, abu edikon lo lokapolon kobong toma kosodi alimokin ngol kosubite bala kadedeng, ebe, "Idarit ijo esipanikon! Isiboi ijo kes idaritos!" Konye ajai ngesi toma ailip. Ajok ebe kosalak ngesi toma ailip kiton neepupunio ngesi aingarenikinio naka Edeke alomar kinga.

42 Kosodi ekelipilipiton lo abongun okek. Kosodi Lokalaunan Martin alacun ekegoe loajokan kosodi ainakin ekelipilipiton, kosodi alimokin e-e-edikon lokapolon alosit kosodi alemun ece kosodi ayangaun nges. Aso ajai nges alemun anapito, ejaas aceda, kosodi anapakin Martin Lokalaunan. Ido abu do ngesi konap egoe lomam ebus noi kokinga koingaren naka itunga aiboisit naka akenapito nakajokan.

Itei ijo, elosi ngin aitodun ebe: koinak lukajokak kakere lujjaatar ijo, koinak akonijar, koinak akonipak, koinak nginibore neejai Kristo. Ido Emoyo ngopengol loajari kotoma Kristo, ejari kotomakon, ido-ido-ido akonijenanut kotoma oidunyetekon ka kanejaas itunga luiswamanarotor ijo, ebuni araut cut kwape bala Kristo kiton nakiswama ibore ngipengin yenabu Kristo kiswama.

43 Awasia ebuni aitodolikin ebe eperete itunga kotoribei ido aponi kitangaleunoi. Erai ngin-erai ngin nakabeit, apedor naepol noi naka amin elukunit kes. Ido abalas kesi ebe "Neajaar Lokalaunan Martin elimonokini, akaulo na nges alomun kinga konapite agoe lomam alai ejok, ebe abu esipan kere koany amwekemwek naka Aica airimun nges." A-ha. Ianyu? Itei ijo, naarai abu ngesi kiswamate ibore yeadolit.

Iswama duc nukajokak, ekonipelu neejai Edeke; koomoom ejok, erai ngol ekonipelu neejai akonikuan, ido ejai ijo alomun ejok. Abeit, ejai ijo aswam ngun.

44 Kwana, ikoto kwana oni ageun aitam ayangar nu kotoma oitaabon luitetemitore, atibong na, naarai inera kane kede agogong noi.

Kwana, kiwadikak emalaika loka ekanisa loka Perugamo ebe; inera kwanata ngol loejai ekileng loekwana kowaitin iarei kere ebe;

Kwana akoto eong yesi amisiikin ejai Ngesi aitejenar bobo atibong na kotoma Oidekeone. Kangolikanisa kerai ediopet kotoma adokenaKe nuka aibuses: Ngol loajaatar aacer atomon ka luarei...arai "aacer akanykaarei kakanike, ngol loejaas kede ekileng loekwana iwaitin iarei kere," itei ijo, idiopebore arai ice, "Ngol loejaas kede akeje nuka asinit, akonye nuengolengoleete kede aipelonoreta nuka akim." Ejai Ngesi aitejenar abongor neejai EidekeoneKe.

45 Kwana ibala ijo ebe, "Aibodo ejai Eidekeone kotoma kana, 'Ngol loejaas kede ekileng loekwana kowaitin iarei kere elomuni aitukuke?'"

Eebo, *ekileng* nges "Akirot." Iburanian 4, apotu kalemunitos ngin kotoma ageunet neapotu kesisiatar EidekeoneKe kangina. Ekileng, kipou kadumutu kotoma Iburanian 4:12, kerai nges, "Akirot naka Edeke ekileng loekwana adepar ekileng loekwana kowaitin iarei kere." Biai ngin abeit? Kerai ngin Akirot naka Edeke. Biai ngin erai kwangin? Kwana kosesen, ijo-...ikam aijuluneta nu. Kwana kibwap Akirot ngin, Yokana Lokalaunan 1, "Kageunet" (kau cut) "ajai Akirot naabu kosub akuj kede akwap." Biai ngin abeit? "Ido kojai Akirot mama ejai Edeke, korai Akirot Edeke. Koraun Edeke akuan kiboiororoi kamawok." Biai ngin edolit? "Koraun Akirot akuan kiboiororoi kamawok."

Ido kane ejai Ngesi ebwoi kane, Edioet loajai kageunet, "Kolimok nu neejai emalaika loka ekanisa loka-loka Peru-Perugamo. Kolimok nges nu, 'Arai eong Akirot naka Edeke.'" Oo, ianyuni oni Nges kalaije kotoma Apukokinio, ebuni kede aKenapito naebwasitai aokot, aboko kakouKe, kibwanenite ebalasit lokakwangan, ido kotoma amurwoKe nakoteten kiwadikatete ebe, "Akirot naka Edeke." Oo, kaminakit eong ngin. Erai Ngesi Akirot, Akirot naka Edeke. Aso iseseni do oni Edeke lo kotoma ageunet, ejai aitejenun Elopel, erai Ngesi Akirot.

46 Kwana, arai erai Ngesi Akirot nakajaran, akepolou Na naiwadikatai toma Obaibuli erai atutubeteKe; ido arai ipedori ijo aijaun Na, tomaKeng (naerai Akirot), ebuni Akirot na tomakon kanuka aiyuun, itajaruni Ngin, naarai...Oo! Ikam Ngin! Ebuni Akirot tomakon, arai ejai Emoyo Lokalaunan toma nen, ejaruni katipet

naedolunio ngin toma, ido nginisumunet kere erai abeit. Emamei... "Kanuka ngun, arai kilimok ijo erongat lo 'koukor,' komam ibuonokin kotaukon." Naarai (inyobo?) irai ijo Edeke inera. Ijo iyuunit ngin? Abala Ebaibuli kwangin. Ido nuilimuni ijo kere itodolikinosa arai mam ijo ibuonokin, arai ipedori ijo alemar iboro luka akwap kere kinga kamakon, koinak Emoyo Lokalaunan aitarauun ijo okoku arai akoku naileleba naka Edeke: emamei akwap, emamei ediini, emamei ibuonokin. Inyobo do ngin, bobo? Mam bobo erai ijo, erai Edeke kotomakon. Kosodi ijo alemun Akekirot, erai Ngin aisumunet, kosodi atemar, "Papa, erai Ngin akonisumunet." "Satan,..." Ejai icebore aiswamaun. Ianyu? Ianyu?

47 Kwana, mam ijo ipedori aswam ngun kiton Edeke apukokin ijo nuebeit ejautene ngol araut. Ianyu? Ido arai kijen ijo nuebeit ejautene ngol araut, akepolou ipedori do ijo alimun, bala Yesu. Arai Ngesi Akirot. Biai ngin mam nakabeit? Ido kereka Yesu, etunganan ngol, eyekalu, abala ebe, "Mam Eong eswamai idiobore dimikito ber kitodik Papa Eong."

Akepolou mam do ber erai Akirot kiton nakitodiarene mamakon. Yesi ianyutu ngin? Komam ibuonokin nges ebalatar itunga ebe "atuboros apaarasia nuka nukapedor," mam Akirot kitodiara nekec. Komam ibuonokin mam kes epedorete aiyuun Emoyo Lokalaunan, mam epedorete aanyun apukokinio naka aibatisao kokiror loka Yesu Kristo, mam ber Akirot itodiara mamakec; ido kereka emameotor kesi kaNaiwadikatai karaida adiopet naelosete toma, ageun emamei idiotunganan yenibatisatere koipone ece.

48 Nuikamunitos Emoyo Lokalaunan, abala Ebaibuli ebe "Emamei itunganan yenenyarai Yesu ebe Kristo, dimarai bon kanuka Emoyo Lokalaunan," ido ebalas do itunga ebe mam kes iyuunito ebe edolit Emoyo Lokalaunan. Ianyu? Itei ijo, mam iswamatai kanukec. Abala Yesu ebe, "Emamei itunganan yenebuni mamaKang dimikito enyara ber Papaka nges. Ido kere lukainaki Papa" (akirot naedaunit aiswamaun) "luakinaki Papa Eong epote mamaKang." Oo, ngin mam kereka ibus! "Kere lukainaki Eong Papa, epote mamaKang. Emamei idiopet kakesi yeneoliori dimarai okoku loka amudiar, ido abuni Eong...(aurunitai ngol kanuka alosikinet kangin), ido etonyouni Eong nges kotoma apak nakawasia."

Oo, ikatunga! Ngina nges kibwaikinere ikiroriawok Oitabo loka Imerekek loka Aijar: ageun kapetatait naka akwap. Ngin mam kereka ibus! Eipone ali kibuonokinor oni?

49 Wu Edeke, kolema ibuonokin kotomakosi, kekep ikositaun lukican luka itunga kiton neemameunor ibuonokin kere kotomakosi. Ngin nges akailipa. Ikokorio awai nginibuonokin, wu Ejakait. Koinak eong kajar kajijim, kaiyapaara, kasodi alosit kwape-kwape imerekek yenika Edeke kotoma akwap. Kocamak eong alosit kwape abu Ngesi kolosio. Akoto eong einer kwape kinerar Ngesi. Koraunos akalosikinet kwape aKelosikinet. Akoto eong atwaniar akaijar kasodi adumun ngin, wu Ejakait, kotomaKon. Nges ngin, akoto eong atwaniar akaijar kasodi adumun ngin kotomaKon; aidulokin toma Kristo kiton neemameunor bobo adiobuonokin, bonibon nuebala Ngesi.

Kwana, mam ilosi kinga ngina kosodi atemar, "Aibuses neejai Edeke! Aleluia! Ituritete Edeke! Itei ijo nuapedori eong aswam? Aibuses kojai neejai Edeke!" Eroko ber ijo kedumuna Ngin. Mam ngol arai eipone loabu Ngesi kiswama, mam, aidadeun aKetorob kinga kosodi atemar, "Koanyutu nuapedori Eong aswam? Eebo, ipa. Arai eong lo-...Mam. Mam nges eyangaritor aiturio kanuka idiobore, abu Ngesi koinak ngin neejai Edeke kosodi alosit kiyapepeara ido kojijim, kede eipone loka ekwam kwa kangol loerimunit Ngesi kiton neaminikinitor itunga ajaut osiepiKe. LukasurupiKe bon...Ido amina Ngesi kes noi kiton neelipanakina Ngesi kes kaiducokinit, apak kere. Ido arai ngin aanyunet, akaanyunet, aiswamaikin luce kwape abu Ngesi kiswamaikina oni.

50 Kwana, ikoto oni amisiikin bobo kane, kotoma okokoro lo 2, ngin na tikeraun na 13:

Ajeni akoniswamisia, ido-ido mama iboio, neejai eicolong loka Satan; ido ikamunit noi akakirot, kwabo mam ibu konger aiyuunika,...

Itei ijo, iboiete kesi kane iboio Satan, ido eroko kesi edaritos Ekiror loka Yesu. Itei ijo, "Ido mam ibu konger Akaiyuun." Eipone loka aiyuun ani abu Ngesi koinak ngul? Aiyuun nako Pentekosit, kotoma ageunnet. Ajaas kesi kede aiyuun naka Inikolain kanen, erionget loka ekanisa, ka ice da, ajaasi kesi adukun, ekanisa lojai atakanun kokwap naka erionget; konye abala Ngesi ebe, "Ipotu yesi ikunyasi awai kanejaas ngun, ibu yesi kolaitosi ngun, ido kwangin alait eong da. Ido mam ibu konger Ekakiror; mam ijo ibu kolot atupar ikecenonosio lumojong ka iboro, isalak ijo cut itenara kotoma OkiroriKa. Ido iroko ijo ijaatar ka akaiyuun kwape ajaar ngin kageunet." Oo, amina eong ngin!

...mam ibu konger akaiyuun, karaida kotoma kapaarasia nuka...(Aomit eong ebe ilimunete yesi ngol ebe A-n-t-i-p-s)...Antipa ekajenanika, lomunotoka loarakinio mamakus, mama iboio Satan.

51 Alosi eong abwoun kanen ipak edit. "eicolong loka Satan." Ikoto oni asubit bala itetemonori kotoma oboro kalu, akoto eong yesi aikamun Ngin. Kojeni ejok ebe ikamuni ijo, kwana. "Satan, eicolong." Kwana, abu Edeke kolimorite kotoma Ageun neajai eicolong loka Satan, ido ebe arai Babulon. Kerai duc ngol eicolong loka Satan, ido kotoma Apukokinio arai ibore ngipengin. Konye, arai kimisiik ijo, abu Babulon ijulakin anyoun araut *nakapiirit* kiton "naka luipaapa."

Ido kwana kotoma okar lukolo sek, araiboot nape eroko nu kiswamauna (ikar idis), abu eicolong loka Satan koduk lokapolon...aomit eong ipedori ijo anyara ngol ebe esase...esasedoti loerai ekabaka loka Ikaludean. Apotu ikayaitok lukadoketa nukapolou luko Babulon kijulasi ekeicolong nearukitiotor Iperesian nges, kosodi ngesi ajalakin Babulon. Arai ekekiror A-t-t-a-l-u-s, Attalus, esasedoti loerai ekabaka loka Babulon. Neapotu Iperesian kolomunatar kosodete aikamar Babulon, ejaas arukoria Ikaludean; abu Attalus, ekecesasedoti loerai ekabaka, koker kosodi adumun ekeicolong ko Perugamo. "Oicolong loka Satan nges neiboio ijo." Ianyu ngun?

52 Kwana, nges kainakini eong abongori kasodi alemun akiro nu nukolo kiswamas nuka ekanisa, amoun neabu...nuapotu kiswamaunos neabalar Ngesi ebe, "Iboie ijo kaneejai eicolong loka Satan."

Abu eong kaomoom ebe, "Eebo, aibo do epedori ngin kojai, icebore, 'eicolong loka Satan'?" Kasodi eong adumun ebe ekabaka lo, akaulo neajaar ngesi akerit kama ejaas Iperesian luajaas aipikor luapotu ikamasi (kwape ejaar kotoma aitapoet naka Daniel), abu ngol kobu oibuga lo loka Perugamo, ko Rome, ido abu ngesi kitarau nen eke ere lokapolon. Abu Satan kijula eke ere lokapolon anyoun ko Babulon kiton Perugamo, neebunio ngesi (koingaren) ageunia Babulon nakitetet. Oo, ikatunga! Kwana idumutu yesi apetetai najai oni toma. Ejok.

Kwana, ido kangina abu ngesi koyar onac lo lokaumokin, aarakinio ngol nen, Antipa.

53 Kosodi aijulakin ekeiswamae. Nasodit ber arai ngesi loareit Ikristayon. Oo, eipone loangarar ngesi Ekristayone! Ido arai ngesi esasedoti loerai ekabaka elopet, ekapiirit koinono ka alosikinet da. Kosodi ngesi aijulakin ekeipone kosodi aimorikikin kede Constantine.

Emarakitai duc Constantine (ido imarakinitos lolo da lukipaapa) ageunet naka Knights of Columbus, kwana, ngol loabu koinak aiyaposit ngin naka aokot. Konye Constantine (alimuni eong na kede aiyapaara ka ayongit), koiponeka loka aisiom ngun kotoma akiro nukolo, mam cut ebelokina.

54 Kwana abu ngesi kiruja airujasit akuar adiopet ebe bala abu ngesi...koany emusalaba, kosodi atemar ebe kede lo abuni ngesi aipikor ejie; kosodi...naarai ebe abu ngesi kisumunikinite aigangio nejaas Ikristayon, ebe abuni ngesi araun Ekristayot, arai kilipanakisi ngul nges aitelekaar ejie ngol. Ido abu eong abwoi kodaraca kangina, ebe neabu ngesi...kawai kaje loka edaracakec, kejotoi, kiruja airujasit na; kosodi anyoun, kosodi ainomanakin apoto naka emusalaba obukuie ka luka ikajiokoke da kere. Ido ngina nges abu kiswamaunia ajore naeyongong naka Knights of Columbus naejai kwap naka ediini loka Roman Atulik. Konye mam nges iswamator ibore kaida idiopet yenikediiini, ibore idiopet bon yeniswamator ngesi yeniwadikatai toma akiro nukolo, kwape aanyunitor eong, arai, abu ngesi kibwaik emusalaba kuju naka Ekanisa loka St. Sophia. (Ha!) Konye arai ngesi ekepugan, ido nearaar ngesi ekayaiton loka Rome kotoma apak kangin, nges kede ekesasedoti lokapiirit, nepepe, apotu kimorikikinos kosodete aitolomun ekanisa loejalam loanyaritai Inikolain kotoma apak kangin. Ekristayone, loagongakina nejai esasedotene, ido okotosi ngin kotoma okanisakec, nailemunit oni kotoma aisia nakoingaren naka ekanisa loka Epeso, kaiceda, ka-ka Sumuruna; Inikolain ngul.

55 Apotu Inikolain koraut a...mere a "aswamasio" kwape keraar kotoma ageunet *kane*, konye *kane* abu koraun "aisisianakin." Kane keraasi "aswamasio," atamitos kesi aitolomun ngin toma; konye kane kotoma atur nakiuniet abu koraun "aisisianakin," isasedotin lukapolok, ikesa lukapolok. Mam ber anyaritos ngul ebe luipaapa, kwana; konye anyaritari kesi, bala, archbishops, ikesa luapolok, ijeni ijo, luejenaara. Ido akecesisianakin kerai, kerai, naka ainapeta.

Ajaas kesi anyoun awai kaneajaasi luelelebas kede Emoyo, Ekanisa loengarenikit Emoyo Lokalaunan. Apotu koinakis ngul anyoun awai naarai keraasi luekidioko kosodete anyara kes ebe "luenaaritos," naarai mam apedorete acamanar kede kes kanu ajaun kede ediini lo lokapolon. Konye akoto Ekanisa asalakin ilajaara kokwap naka ekisil, kokwap naka apedor naka Emoyo Lokalaunan kwape abu Kristo kisumunikitor kes; abuni Ngesi ajaun kede kes, ido arai ngol Ekabakakec. Oo! Ekabakakec!

56 Mam ekanisa lokabeit ijulakinitor eiponeke, mere araut luipugat aceibunget naka-naka...mam eong ajeni luinyaritos yesi ngul kokinga kangina, ikaanyanarak lukapolok, ka ikaanyanarak lueyaito aiboisio ka luipaapan, lumam ibironoros karaida aibuc kotoma aisisianakinikec. Iyuunit oni ebe ejai ediopet Bon lomam ibiror karaida aibuc erai Ngesi Ekabakawok, erai Ngesi Yesi Kristo loejai kaoni kwape kwana kotoma apot naka Emoyo Lokalaunan; Edeke kotomawok, ejari akidingosiwok, aingarenikinit ka aitetenaarit oni nejaas akipi nuka Aijar, aitejenun Ngesi Elopel; aitoduun, kwape abu Ngesi kiswama kakidingos naka lukalaunak ka luaponi koarai kanuka aiyuun lukolosek, ebe kerai Ngesi Ejakait Edeke loka esube, itangali lukadekak, itajari lukatwak, itodie aitapoeta, irenganari ajokin.

57 Emamei idiopet kotoma kakesi yenepedori eong asekun ibore idiopet, kotoma ikaanyanarak kere luka ekanisa loka Inikolain luapotu kiswamautu adokena nukapolou nuka Rome, ipaapa; mam karaida apak adiopet kotoma akiro nukolo eswamasi ejai ajenanut naka idio kotoma ikaanyanarak kangul loitajarunitor yenikatwan, arai idiobore kwape kangin, naarai Kristo (loerai ajarun) amamei kotauonocek. Apotu kesi kimorumunos kosodete anyoun awai neejai ediini, apotu kogwelasi apedorikec naka aurio. Konye

Ekanisa loka Edeke lokajaran ajaas kede apedor naka Kristo, ekanisa loce je ajaas kede itunga luayongong tomake; konye ekanisa lokabeit abu kosalak kede Emoyo. Yesi ijaas amisiikin? Ejok.

58 Kwana na...Aso Constantine, kanu aimorikikin akepugan nepepe, nu kes nuabu ngesi iswama. Abu ngesi kalem Inikolain ngul, kosodi alosit neajaasi kesi (loarai aput naka Ekristayone). Yesi imisiikinito ngin ejok? Araas kesi Ikristayon, luenyaritai ebe Ikristayon; luelimoritos ebe eraas Ikristayon, komamei Emoyo Lokalaunan. Oo, karai ti ngin koloma toma tetere mam ijo ijalakini ngin alosit awai. Ianyu? Araas Ikristayon, Ikristayon luka ediini, komameete kede Emoyo Lokalaunan. Araas kesi Ikristayon kede ekiror, araas kesi Ikristayon kanuka atukonokinikec nepepe, abilete kesi emugaati, ido aricitos ainapeta; konye, kongeritos aingarenikinio naka Emoyo Lokalaunan. Amameotor kesi kaanyuneta ka nukaumokin kakidingosikec abalas kesi ebe iboro ngul atuboros; ido kejai kes asipokin ekanisa kanuka apugan. Ibuni oni alomar toma kangin ipak edit, epone apugan anyoin. Ianyu?

59 Kwana, aso do abu Ekanisa loka Emoyo Lokalaunan ikunyak awai kanejaas iboro kwa kangul. Konye, kotoma Perugamo, aponi ngun kere kiwadikaikainai neejai *emalaika* loka ekanisa loka Perugamo. Ianyu? Naarai kerai ekepelu kwana aswam nu.

Konye mam Constantine akoto Ekristayone, akoto ngesi ayangaun iipoloko ke lukolosek lukapiirin, ekekanisa lokapiirit. Ido Laodikia loebubukina kosodi...arai Inikolain luebubukina ido kingijingijaikina toma Rome ido eswamautos aitodiar naapol, ido luipu kotoma otunga ngul keraasi ikeyuunak Lukristayon (luabakai-ebe eraasi), lukaput. ido korai Ekanisa lokabeit idis luikidioko; kerai duc kwangin, ido erai duc kwape kwangin! Alosi eong aidarekin mot, koloma ber ngin cut toma neidul neteni. Ianyu?

Kiitu, Ekanisa duc erai itukos yenedit yenirengeritai kinga naka ikanisan ice. Mam Ekanisa lokabeit eraunitor erionget, naarai mam erai ibore yenetakani, erai Akuan nakaiyeiyea naka Yesu Kristo ejari kotoma akwap, Emoyo Lokalaunana elosi kotoma omeeban kalu. Aso mam ijo ipedori aitarau Kristo erionget, mam ijo ipedori aswam ngun. Akoto eong ijo asalakin toma kangin kanuka Atur kangin naka Laodikia, kwana. Ido kiitunite ngin ido idar ngin, naarai nginikirot nalimuni eong ejai ateepu na.

60 Ido kwana kiitu, kidarite ngin kotoma aomisio: Mam Ekanisa lokabeit loka Edeke eraunitor erionget.

Akanisa naka Atulik nges erionget losodit lo iiritore ajenun kotoma akwap, mam ejaunar cut erionget eroko ngol, ido erai-erai "toto naka ikanisan." Toto naka ikanisan luka iriongeta. Ebalala Ebaibuli ebe kerai ngesi, aso mam ijo ipedori aitepeg Ngin. Naketemariata kesi ebe "Erai ngin akanisa naerai toto," erai akanisa naerai toto. Itodiaritai nges kotoma Apukokinio 17, ilosi oni alomar nejai ngin kaitebeikin. Eebo.

61 Kwana, aso abu Constantine, kede na kotoma aijeneke kanu aitogogong akejakanut (Kwape duc eswama Rome, aitingit ilaceta luka akwap), ajai nges ayangaun akeomisio nukapiirin kosodi alemun aomisio nuka Ikristayon, kosodi keceipone aimorikikin ngun nepepe, kanu aimakakin nepepe kosodi aiswamaun apugan naemamei naedepari. Ianyu? Naarai ebe kerai ngesi...Abuni ngin aitarau ngesi ekepugan lokapolon kakere kotoma akwap, Constantine.

Ido kotoma kanuikamunitos einer: arai ngesi-arai ngesi ekepugan, konye mere lokalaunan loka Edeke, kwape etamitotor ice kakesi aitarau nges. Mam nges arai! Emamei cut ibore karaida idiopet yeniswamator ngesi yenasubit bala Ekristayone kane ajai eong. Aso kanuka nuikamunitos ikanisan luka Inikolain abu ngesi kibwaik emusalaba; ido kanuikamunitos idiobore bobo yenabu ngesi iswama yenasubit bala Ekristayone, mam eong aanyunitor; arai canat nges...akuar ngin abu ngesi kinomanak ngul obukui kangul kwape kangina naarai abu ngesi kodum airujasit, ajaas Ikristayon ailip kanuke ebe kiteleka ngesi ejie.

Kwana, akepolou abuni do ngin aitogogong akepugan. Kosodi do ngesi aswam nu, abu ngesi kitolom ipucino luka ikapiirin, toma okanisa loka Ikristayon luka Inikolain. Abuni eong anyara ngol ekanisa loerionget loka ainapeta loajai asubun. Abu ngesi koyangau ipucino luka ikapiirin toma okanisa, ido ngin nges aurunio naka Etoulkane.

62 Kwana, onac, ajai eong aita akiri nukolo. Ajaatar eong ilukumin luka ipapero luka Atulik, ido eraas kesi ipapero cut kwape eraatar luka Protestant. Konye mam luka Protestant epedorete ailulukin, idareu ber ijo kiton neengetakinotor akuaresia nu, itei ijo. Ianyu? Ilosi ijo aanyun ebe apotu kesi da kiswamata ibore ngipengin. Mam amot epedori anyara ebinika ebe "imodokok." Itei ijo, naarai erei-erai ibore ngipengin, emoyo ediopet ejai cut akidingosikec. Kosodi do ibuni ijo aanyun kanukinyo duc etoronitor eong ibore ngin. Naarai erono! Emoyo ngopengol kotomaka, arai atam eong, kosodi icebore kotomaka aiworor, mam eong apedori atitingikin kanuikamunitos ngun, eswamaenen duc eong. Enyaraete kesi...

63 Itunga lukapolok, itunga luka ediini lukapolok alimonokisi eong ebe, "Imunaari ijo aijaanakinikon. Onac Branham, iswamai ijo iboro" ebalas, "mam ngol-ngol erai ekonipelu. Abu Edeke konyarau ijo alipanakin lukadekak."

Abu Edeke konyarau eong aswam nuedeprito alipanakin lukadekak. Lukadekak erai bon ibore idiopet yeneriunia eong aomisio nuka itunga, kodaun: lukadekak, ailipanakin lukadekak erai ibore yenididi. Ianyu?

Aisiiraret nges inera oni nuke. Iboro ngul ebongorete; lukadekak, etunganan, etunganan loedeka epedori angaleun kosodi atwanare bobo. Konye etunganan loeurunitai kede Emoyo loka Edeke ejaas kede Aijar Namam Edaun. Aso mam Edeke elosi bon kanu aitangal lukadekak koipone kangol. Ejai ainakinet ngin cut okanisa kanuka ekanisa kangol, ediopet, kosodi je, kosodi loce je, kosodi loce je. Ianyu? Ebe, ainakineta, elosete kotoma okanisa. Konye edeparit ngun, ido amuno eong ebe ikam ijo Ngin. Eebo.

64 Auruunio naka Etulikane, kanu apedor aswam nu, kanu aikamun akonye nuka Ikristayon kosodi da akonye nuka ikapiirin, kanu aimorikikin ngul nepepe kosodi aiswamaun ekanisa ediopet.

Oo, karai ti eong kajaatar kangin kwana, apapula naabu icetunganan kibwaik ne akuar kaya. Abeit eong ayangaun, ido abu kemurwok eong; ipu noi iboro lueperete kagola kangina. Ejaas kesi aswam ibore ngipengin kopekwana, ido apotu yesi kitegeasi ngin naipotu yesi kosekunatar etunganan lokawasia yesi asekun. Ejaas kwana kesi aswam adumun Ebaibuli da lomam ebuni aimusung Atulik, karaida Eyudayat, mam karaida loka Protestant. Elosete kesi aiswamaikin ngul Ebaibuli loebuni aibecokin nginibore kere. Ijo mam ipedori aanyun aingal naka Constantine ece? Akiro nukolo inyogoikinos bobo. Kwana, itei ijo, ido kijaar eong e...Ipotu yesi kopuputu eong asiomi ngin akuar ya, mam yesi ipupunitos? Ido kijaar eong-eong kangin eperi kore, ido ejaas lem kesi iswamaete ngol adaun apak naeaja.

65 Kwana ebalas kesi ebe, "Kokar 1962 epote kesi..." Ido koany abu Ipaapa ngol Yokana 22-...abu kilip adwe nukanian nudidik kere abongun ore neejai ekanisa loerai toto. Mam ipodo, ebuni ngesi. Epote kesi! Elosi ngesi, adautu abongun da. Mam bobo erai kesi abongor, ejaas kwana ngul ngina sek.

Kwape abalar eong, "Abala akwap na ebe, 'Eebo, arai esekun Ejkt. Kennedy, ikamarete Itulikin.'" Aikamar? Apotu kesi kodautu aikamar ngin kolosek, ido mam yesi ipotu kojenete idiobore yenikamunit ngun. Ingaibo etaci ikecemwalimun? Eipone ali kitodolonikinar kesi iboro lu osomeroikec, kosodete aisisianakin Etulikane cut kotoma osomeron? Ido yesi ikalemak esolo itacete yesi kanuka ngun. Oo, cut kwap naka ekumekon, itei ijo, koipone kangol. Oo, ikatunga, eipone loabu ngesi iswama! Ido abala Ebaibuli abuni ngesi aikamar ngin kede aingal, ido abu ngesi kiswama; itei ijo. Edolit ngin; itei ijo, aitac isolosinei kanu tai. Aso, oo, ejaas nuipu nulimuna kane. Ejaun kwana eong aitub kotoma oboro kangul, kasodi abongor kau bobo ainyikokin.

66 Kanu apedor ainakin ibore yen aswam, abu Constantine kosipok iboro luipu luitelete luka akwapin kanu aikamun aomisio nuka ikapiirin ka Ikristayon da toma okanisa. Ijo iomoomoi komoyo? Ijo iomoomoi? Ngin mam kereka erai Aisiraret naka Esawa? Ejaatar ekanisa kaboliasio, kipucino, kimotokan luekoraro, ido bon kanu ainyalakin kes nepepe. Aimakakin apedor ngin nepepe bobo kiton kes adolokin aiboisit naka airiamakin. Cut kanepokane.

Kwana, erai ngun akiro nukolo, mam icetunganan akonyanakin ikel, etakununet bon kesi nuapotu kiswamaunos. Konye abu ngesi kiswama ngun, abu kimorikik ekanisa koipone lokajaut kede aitelelio naka iboro luka akwap, kanu aisimorikin ekanisa loka Inikolain. Kwana kiitu mam nges apedori atiror Ekanisa ngol loauritai kirwan nakiareit. Mam, ipa, mere edio kotoma kakesi. Konye ekanisa loka ainapeta loka Inikolain nges abu kibirokin neejai ngin.

67 Ido inyobo kijaatar oni kokanisanawok luka Protestant? Inyamat lukatibong luka asupu, aitelelio, aboliasio, (Oo, ikatunga!) agwelanar idipaica, ka nginibore kere, itei ijo. Kwana, ijenete yesi ebe erai ngin abeit. Eebo, kwana, arai erai-arai erai ngin Akiro naka Edeke, ipapero, erai Abeit. Ido kere luka Protestant ikamunitos akiro! Ianyu?

Kwana, mam cut eraunitor ainapeta nuka Edeke ajaut kede lukatibong luka asupu ka ekosio kotoma agoolai, ka kere nuelosete ngaren, aitac ecokok ka iboro. Korai kisisianikitete itunga aitac ikecetomoneta, arai tingun bon kes abeit kojaas. Ngun ke ainapeta nuka Edeke. Konye ejaatar Edeke ainapeta, konye ekoto etunganan da aiswamaun nuke, airop anapeta nuka Edeke. Eebo.

68 Kwana, kotoma aswam nu, apotu kesi kimorikikinos kosodete aiswamaun loalingakini...kosubutu ekanisa losek loka Atulik, ekaulo. Kosodi do kotoma Airiamun naka Nicea nakapolon nasodit...neabu eong kasiomia ngun, abu eong kebirokin akunginika. Abu Ariamun naka Nicea kojaun kokar A.D. 325, aponi kisimorikikinai ngul kere nepepe, ikaanyanarak kede luka papa luka aiyuun naka Ikristayon aponi kisimorikikinai nepepe ko Nicea. Ngin nges apolou naenyaritere ebe Ariamun nako Nicea, kokar A.D. 325. Ido nepetai abwoikinitok elukumit kakwatakany kes aponitos toma atukonokin arai airiamun, nepetai abwoikinitok elukumit kakwatakany, ido epu itunga luamamei adoketait adepar ikaanyanarak ikany kanuka idiopet (kotoma airiamun); konye kereka, kamaka Inikolain (lualilim luka lukaput) ido ainapeta nuka Constantine nuka apugan, apotu kesi kitelekasi Ekanisa lokabeit kosodete adumun aipikor, kosodete aitegear ajaut ka ikaanyanarak ka ainapeta nukalaunak nuka itunga; alemar Emoyo Lokalaunan kotoma airiamun, kosodete aibwaikin ngol nejaas ikaanyanarak, ikadinols, ka luipaapa ka ice da.

69 Akiro ngipengin naamagul nges abu atukot naka Democrat kobolia kotoma ibore yenatubor yen! Kwana, naabeit ngin. Kwana, mam oni irai...ti eong...Ido epedorete luka Republicans da kojaas kesi da kwap koipone kangopekangol. Konye enera eong nuikamunitos ibore idiopet yenapotu kesi kisideleleutu

(Edger Hoover) ko California, ka aiboisio ace nuipu; ajaatar kesi kacuuman ngun nuecakere aseeta ibwaakitai aiboisit naisekia ijo kanuka Ejakait Nixon, ajai ijo acakakin kanuka-kanuka Kennedy da kotoma apak adiopet ngipengin. Amameotor ngesi arereng. Eebo, kwana etogogongosi kesi ngun ebe, "mam erai abeit," dobodo kanukinyo mam kes iswamata imodiobore kanuikaminitos ngin? Kijari oni kotoma apak, ngesi ngin, ijai oni toma apak nakawasia. Ejenete kesi ngin, apotu kesi kitogogongosi ebe amunauna kesi, ido mam kes epote aswam idiobore yenikamunit ngin.

70 Arai ngin atukot namunauna namam ebusakinit kokau kangina, ido akeuruunio bobo na kane: kanu alomar neejai ecetunganan, kanu aitolomun aisisianakin ace; aisisianakin naka Inokolain, naasek arai ber a-a aswamisio, kwana araun do "aisisianakin." Apaarasia nuka Al Smith kerai *aswamisio*, konye kwana erai "aisisianakin." A-ha, a-ha. Kwana ejai ngin ne, adoloki ngin oni. "Oo, itolomuni ekapolon loka akwap loitelekarit kakere," emamei abuonokin kanuikamunito ngun kotoma aomisioka; abeit cut, kanuka aseo kangin naetupakini, kiton neepedoria ngesi aimorikikin toma, alemun ikapiirin lu ka Ikristayon luka aput aikamakin nepepe.

Ejaas kesi aswam Ibaibulin, kanu aitam aimorikikin ngin nepepe, luipaapa, ka ikadinols. Ekaanyanaran lokapolon loka England, ekaanyanaran loka Canterbury, abu eong keriamunos kede ngol keyogaikinos da kede ngol, kinerakina kede ngol, eong elopet, neajaar eong England; ipale ikeuna kuju nepetai otulinike, ido (Oo!) ekesa loasubit bala anapit koipone kalomam ecai. Konye abu ngesi kolot airiamun kede ipaapa, apak nasodit ngul aipejoikin akaulo naka akwat nuka ikar. Inyobo ngin? Ijai oni toma osawa lokawsia!

71 Nges abwoia eong kane atibong na aiboisit na kinga kangina kolutaari kanenice atamit alimonokin ka ailipanakin lukadekak. Ido mam eong apedori airiamun kede kes kere kolutaarin (aisiraret na irwan, ido irwan), ido ngin nges apolou kijaar oni aikamun Ngin kotoma ateepe kasodete aijukar neejai akwap kere, aticepak ikwenyario kes kosodete abongun neejai Aiyuun

Karaida kotoma awasia naka atur naka Ekristayone, Yuda, eroko kiwadika Eitabo loka Apukokinio; Lokalaunan Yuda, loemitai ebe kerai onac loka Yesu Kristo, abala ebe, "Akoto eong yesi aut kanuka aiyuun naponi koinakinai lukalaunak irwanatipet bon." Apotu kesi kogeutu aikunyar awai kama ejai ngin kapakio kangun, akaulo naka atwanare naka Ejakait Yesu. Ido kwana alwanis anyoin ejai ngin awai atibong na? Itei ijo.

72 Kwana, Airiamun nasodit naka Nicea, ido ajai kokar A.D. 330...325. Nepetai ikabwoikinitok elukumit kakwatakany ka ikaanyanarak kes apotu kojaunos toma ariamun, konye aponi kes kicakutu ngul, kotoma aibokin naekunaikinit, naakusete ikwamin nakerai ngin. Kosodete kwi aicakun ngul, kosodete aisek kiton do ebe apotu Inikolain kikamasi, ido arai ngin aikamar...ikanisan kere kosodete abwaikin ngul kwap naka aanyanaret naka ipaapa arai-arai ikaanyanarak, arai icebore; alemar apedor kotoma Okanisa kosodete aikopar ngin nejaas ikaanyanarak, ebe ikaanyanarak kes ebeit apugan ekanisa ido nges bon kejaas kede ibore yenilimuna yenikamunit Ngol.

Ijo ianyunit kotoma okanisa loka Atulik lolo? "Mam ijo ipedori aisiom Ebaibuli ngol, mam ngol erai loebait ijo aijul. Erai ekaanyanaran." Ianyu ijo neebunitor? Kwana ipedori ijo aanyun nuarai Enikolaene eroko kegeuna acedun ka aliaun. Aponi kouruunai cut kangina. Abeit ngin. Ido arai aput naka Ekristayone; eroko erai!

Kosodi do eputoorit Protestant ngol. Abala Ebaibuli, kotoma Apukokinio 17 ebe, "Toto ka adwe." Ibuni oni adolokin ngin kotoma apak naedit, arai kitojok Ejakait. Kwana ianyu ijo erai ibore ngipengin lolo, apotu kesi ikamasi. Kwana, abu Constantine kitwasam acoa naka Balaam.

73 Kwana, akoto eong ijo aitam apupokin ejok kwape ipedoria ijo kere. Kwana, abala Ngesi kane ebe, kotoma Obaibuli kane, "koting Akaiyuun." Kwana:

...ejai eong akiro nuikidioko kajo, naarai ejaas ijo itunga...ijo...naarai ejaas ijo itunga...(mere lu kane, konye kangina; ejaatar kesi kangul, "ejaas ijo itunga kotoma okanisa loka Perugamo," itei ijo)... luikamunito aisisianakin naka-aisisianakin naka Balaam, loesisianakin Balak acakakin aituguikinet akonyen nuka idwe luka Isirael, ainyam nueinakinio aputosia, ka nukadoteu da.

Kwana, abu Constantine kitwasam acoa ngipengin naabu Balaam kistwasam. Apotu kesi kojaunos kede airiamun akaulo naka aibokin naka atukos kana naaponi kodakakinere ikaanyanarak ikanisan, ka ice da, ayait ngul, ka alemar apedor kere kanejaas itunga luemamei adoketait, "Ido amamei kes aomoom kanukec, karaida kes ajaut kede apedor adio aijul Naiwadikatai." Ido eraas ngun kere nuabeitos isasedotin, kes abeit aijul naiwadikatai.

74 Awasia, akaulo apak edit, kiswamaunete kesi esasedoti *lokapolon*, kosodete kesi...esasedoti lokapolon noi loebwoikinit, lo daarai nges ipaapa. Konye kwana adolokisi kesi toma aiboisit naebwaikiniata kesi "amisiikin kere ebe erai naebait esasedoti, ido mam ebeit esipan aisiom Ebaibuli, emamei ibore yenebeit kes aswam;" ido, katiting, apotu kesi...elemaritai Ebaibuli kama ejaas ngul. Ido kwana kesi-ebwaikisi kesi ngun kere akaninikec ido aponi kosekinai ngin mamawok naarai asubit bala ejokuna.

Asubit bala ejok naarai abarito kesi, ka ace da, ido abu ngesi koinak...Kotoma airiamun kana nakapolon, neabu ngesi konyaraunia nepepe, abu Constantine koinanak ikaanyanarak adukena nuelaete; abu ngesi kodum isirigin idis ido-ido aiboisio nu kere nutiok nukapolok...kwape adukena, abu ngesi okorak nu neejai ekanisa, ebe apedorete ngul asesen ngun kwape-kwape itogoi luka ekanisa. Oo, araas adukena nuebusiak, kere kisiritete, ka ace da, aso abu ngesi kokorak ngun neejai ekanisa.

75 Kilema ber ngun, abu ngesi kitanap ikaanyanarakake kede ikaason luapolok lutieik, ka igoen lukotoma ka iboro kokwapukec. Kosodi kilema ngun, abu ngesi kisiboik ngul kuju...arai abu kodukok aiboisit naikeuna koipone kalo, kosodi aitodokar kesi kuju ngina bala aput. Ido kwapukec abu ngesi iswamak itemuan luka amor nuemwekimwekete, kokwapukec. Ido abu ngesi kiswama aisibeloikin na kere, anyoun kotoma aomisioit nakapiirit, aijular, kosodi ayangaun Ekristayone tomake koipone loka alemun ikecesasedotin. Itei ijo, apotu bon kesi kolemasi aput kosodete aibwaikin ekaanyanaran. Itei ijo, aismamaikin ngol etem, ibore ngipengin, kosodete aitarauun nges edeke. Asipokin ekaanyanaran, kosodi ngol ajaun kede kere nulimuna, kitanap nges kosodi ainakin ngol asubit bala edeke. Aiboisit naka asipokin nges kwape idekesio lukapiirin, apotu kitanapikisi nges anapito bala kwape kana anapit Yesu. Ianyu? Kosodete aitarauun ngol cut aisub bala aput iboie kanen.

Oo, koany ber ijo eipone loabu ekapiirit kotemaria, "Eebo, apedori eong alosikin ngin, ejai itunganan yenedepori abongonokin oni. Inera lem oni kede aputosia, konye etunganan lo epedori abongonokin oni."

76 Eipone loaomitotor Ikristayon, "Eebo, ejok ngin. Kwana do ipedori do oni aswam idiobore yenikoto oni naarai ejai ewokodeke. Ipedori oni...Ipedori oni ainerakin kede nges, epedori ngesi abongokin oni nuebeit aswam. Arai kidiaka oni, ilimokini oni nges nuikamunito ngun, ainakin nges ibore idio, ka idio...ainyoginyog ailip adio arai idiobore; ido ibore yenisodit yenijeni ijo, ilauni oni, kasodete abongor kinga ngina kasodete aipup alacakina bobo. Mam ebeit akurian kanu idiobore."

"Oo, asubit ngin bala ajok." Abeit cut! Eroko esubit bala ejok neejai aijen naka akuan, mam ijo ipedori aitolomikin ngin toma otau loka ikoku yeneuruunitai yenika Edeke. Mam kes epedoritotor aswam ngun. Ejeni ngesi Loiyyunit ngesi ido esinyikokina eong ebe epedori Ngesi airic ngin naititingikit Ngesi eong kanuka apaaran kangin. Ido kemurwokito nukokau ebwapit adolore neepegare, neejai ainakineta naka anyarit nakokuju kotoma Kristo Yesu. Amen! Oo, eipone loeyalamar eong!

77 Etem loka amor nuemwekimwekete kokwapuke, kiboie kokuju kane, kisiritete ejok, ekanisa loelai. Oo, ikatunga, aponi kes kitemonokinai. Eebo. Edokokinitai etem lo kuju, etem lo loka amor nuamwekimwekete, kibus. Akoto ti ijo aanyun ngul ber, ibore ngipengin. Adukokinitai kuju kede esabu, ido kitubusiaritete kede amor nuibusiak, iboro luketiai kotoma otem kalo. Ibus! Ebecokina cut noi kanejaas Inikolain ka nejaas ikapiirin. Itei ijo nuabu ngol kiswama? Abu ngol koyangau ipucino luka ikapiirin, aomisio nuka ikapiirin; kosodi alemun Ekristayone, lualilim kojaas kaput lumam ibore yenajenete ejok, kosodi aismamaikin kes edeke kane kotoma akwap, kosodi aismamaun etem kanukec, ka edeke kanu aiboie kanen kanu aitim akecediakanareta. Ijo irai yenikemoyo? Ijo imisiikit nuapeleikinit eong? Iany nuerai ngin? Adiakar naelany aitimio kotoma akwap.

Mam eong ajai alemunun ngun kotoma adamaka, eraas ngun akiro nukolo. Ainakini eong ijo apapula ka enaaba loka akiro nukolo nukalaunak, cut kwape ti kapedoria eong alimokin ijo George Washington, ka Abraham Lincoln, ka ejie loka Gettysburg, ka ceda. Abeit cut, iboro ngul kere eraas akiro nukolo nges ataki eong kane.

78 Kwana, kosodi arai ibore yenebecokina noi kanejaas...mere neejai Ekanisa loeuruunita irwan nakiareit. Mam ipa! Eebo, naebwaikiniata kesi etunganan kuju nen kwana, kanu araun ekaanyanaran loingarenikit luce, kanu aisiom isaalan, ejena ebe ngin nges abu kirengea Eijiri kinga cut naka ngol. Iswamai kwape kwangin lolo. Aturio ngun ikopanos, arucokin kede nace, itei ijo; eipone ece, acepak. Oo, naebwaikiniata kesi etunganan loeyongong kuju nen bala edeke, ido ejaikini ngesi isaalan idis asiomunio.

Ido komisiik ebe elipanakinete ikapiirin lukatwakakec. Ido ekanisa loka Protestant loepedori aibwo kosodi atemar, "Eyyunit eong Ekanisa Lokalaunan loka Roman Atulik ka eidicane loka lukalaunak." Yesi luka Methodist ibwaito ikusireetin, Presbyterian, ka Lutheran. Idiobore kere yeningainganakini lukatwak erai imoyon! Abeit cut. Konye kwana mam loka Protestant epedori akienar loka Atulik, iswamai ngesi ibore ngipengin, elimonori aiyuunet nailosikina kakere ebe iyyunit ngesi ibore ngipengin; ibatisaikinitai cut ainyakar kau neejai ekanisa loka Atulik kede aibatisaoke naka akipi, angeronokin ka akienar itunga luetamito aijar ngin ejok; alosit okanisa kosodi aanyun itunga iluluete kokwap naka apedor naka Edeke, kosodi aibwo kokinga kosodi akenar ngol. Ngol kere.

79 Itei ijo, mam imoyon etwakete; itunga etwakete, konye mere imoyon. Ianyu? Emoyo Lokalaunan, mam Ngol epedori atwanare. Ajai neejai Yesu, kwana ejai Ngol neejai Ekanisa; ejaun duc kiton neebunio Ngesi aomun Ekekanisa, naarai erai atutubeteke. Ianyu? Karaida apotu ikareak, apotu-apotu kokienatar kes kokau kangina kotoma apak kangin, eroko kesi ejarete kane lolo. Elemari Edeke eketunganan mere ekemoyo kotoma akwap. Elemari ajokit eketunganan konye mere emoyo awai kotoma akwap.

Isasedotin ngul kes etutubete atwanare naka Yesu, luabalas ebe arai Ngesi "ekadwaran," arai "ejokit," ediinikito ikesa ngul kwape ebeitor aidiiinikit. Abeit ngin. Ajenete kesi Naiwadikatai kiton enyukuta, konye mam kesi ajenete aijulunet nakabeit naka Ngin. Ajaatar kesi akeceomisiot, ido mam kes apedorete apupokin idiobore kere. Kosodete kesi aanyun Ngol ido kojenete...Eipone ali akurwokina kes aanyun ebe mam Yesu ibecokin neejai nginibore yenalimunit ngolinabi kanuke? Konye amudukaka kesi. Ido abala Edeke ebe abu kitumudak akecekonye kanuka alosikinet, tetere oni idumuni arereng naka aitajario.

80 Kwana edwarit Ebaibuli bobo ebe ebuni Ngol...ebe kijai oni Atur naka Pentekosit, erai "naimujalal, nailwaritoi, naemudukana, kwabo mam ejeni." Ngol nges ejautene loka ekanisa, Piladelupia. Oo, yesi luka Baptist luka aput, Presbyterian, ka Pentekosit! Itei ijo, ikoni nen. Icesawan mam eong apeleikinit ngun mamakus yes luiboiete kane; ajai eong ateepeu, itei ijo, ido ajeni eong neelosi. Ianyu? Kitoronikinos! Kobongosi Obaibuli! Kobongosi neejai Kristo!

81 Eebo, konye ngun kes apotu kiswamaunos, Akiro Nukajokak Nuileleba aponi koremoroi kinga. Aanyuneta ka nukaumokin kotoma okanisa aponi kirutarai ido nagolorere ekodet ngol loka Emoyo Lokalaunan awai kama ajaas luce, kongerete do kesi ebe kejauna apaaran kwape kangin. Ido arai ko...Ido iswamaete kesi ibore ngipengin lolo! Kerai cut bec. Ijo mam iseseni ekemoyo? Kwape kalimokinit eong ijo; kageunet, konapak aoomokon nakomoyo, kopuko Edeke ekonitau. Mam iraun aigalisit, kiboikin kosodi aipup; kotema, "Emoyo Lokalaunan kopukokinai eong. Aseseni eong ngin, ikoni nen."

82 Ipucino lukalaunak. Aibo? luka Baptist, Presbyterian karaida Ipentekotin, araun epucit lokalaunan loka ediini. Ibore bon yeniswamaete kesi nges airam apiano, ibore ngin arai ice, asomanar kuju-ka-kwap mot; nape ililinguni apiano: Pit! Kolosete kinga airod, akoko, aingal, nginibore kere. Konye lokabeit...Ido kojaas kanyunyura nailosikina aitiiji acuuma naka akim naejaatar ikel, aisom nginitunganan ka nginibore. Ianyu? Ikoni nen. Mere bon luka Methodist, Baptist, Presbyterian, Atulik, konye Ekanisa loka Pentekosit da loka Atur naka Laodikia kane.

Oo, inyobo mam yesi ibongoriata kau nejaas ngun nuajaatar luka papakus luageikinite? Inyobo mam oni kibonguna neejai Pentekosit nakabeit naitalauni kosodi aileleb kede Emoyo Lokalaunan, naeyangauni Kristo tomawok? Ngin nges naipuda oni. Eebo. Kwana, kwape kangin lolo!

83 Kwana, akirot *Perugamo* akeplou ebe "edukokina." Akirot alopet ebe Perugamo akepolou ebe "edukokina." Ekristayone (Erai ngol ewai loka Inikolain, ewai loajaas kede aput) adukokin kede apugan, kede ipucino luka ikapiirin. Ipucino luka ikapiirin! Ido ngin nges arai auruunio naka ekanisa loka Atulik kotoma apak kangin.

Kwana, idiotunganan kere ejeni ebe ekanisa loka Atulik aponi kitolomunai kotoma Airiamun naka Nicea. Eroko kangina, anyaritai ebe "Inikolain" Edeke; naerai akepolou Niko-Niko, "aikamar," aipikor arai aibiror luemamei adoketai kokanisa. Ido naeswamata kesi ngun, mam kes akotosi Emoyo Lokalaunan kotunga; ka ikekokok, naerai akepolou ebe "ikedarak," ainyekikin Emoyo Lokalaunan...

84 Ibala ijo ebe, "Kanukinyo, mam tope esasedoti epedoria araut ekekokon?" Inyamat bo luka eipone enyoin itanyami ngesi ijo? Ijo idumununei ejautene ngopengol loajaatar kwi, kotoma apaaran naka Pentekosit? Alipasia nuinyoginyogo, iponesio kere luka aicokicok, abukonokin akipi, aitwasam Edeke loejai irwanauni ("Papa, Okoku, Emoyo Lokalaunan"), aibo ber idumuna ijo ngun ko Pentekosit? Abala Yesu ebe, "Kojen etogo kere loka Isirael abeit cut ebe etarau Edeke Yesu lopelo, loiputu yesi kibubukis Ejakait ka Kristo da." EAbeit ngin. Aibo ber idumakini oni iboro ngul? Erai Enikolaene kageunet ber da, kosodi aijulakin araun Etulikane.

85 Kwana ibala ijo ebe, "Eebo, abeit cut eyalama eong noi ebe mam eong ajai akidingosikec." Kwana mam iraun loisimonikina noi. Ianyu? Kwana kiitu: Ekristayone, Enikolaene. Ijo imisiikinit akiro? Kopupok ejok eroko oni eloto nelwana. Akoto eong ijo amisiikin ngin arai mam iboie oni kane kiton kiding kuare. Aso, Aham...aso e... naarai, onac, erai akoniijar! Ipedori ijo atemar ebe, "Eebo, arai eong lo..." Mam erai-mam erai nges Ngin. Arai imameotor ijo kEmoyo Lokalaunan, onac, mama eong apodo arai ijai ijo toma okanisan luimwasi ai, iwoliorit ijo. Arai mam ijo kiuruunitai irwan nakiareit kanuka Emoyo loka Edeke, kanuka aibatisao naka Emoyo Lokalaunan, iwoliorit ijo; naarai imameotor ijo kAijar Namam Edaun, ido Aijar Namam Edaun ngesi bon ibore yenitonyouni Edeke, naarai ngin bon nges aijar naideuna.

86 Arai mam ikinyomit yenemudunga...kwape atakunitor eong kane, ko Agricultural Hour. Imwasi bo ai iitunitos onac lomojong Spurgeon, ekalimonokinan loka Methodist kalaije ko Henryville? Etunganan lomojong lokaumokin. Kiboie isio katan naka ice cream ko Red Furnish, kapak adiopet, kanyamete ice cream; ido kina isio nuka airiamun nakijaar eong kokuju kangina, ido ajai Agricultural Hour elosi iingaren. Ido agwetakit Red asipika, ka naka...naka ekeredio kiboie kokinga kanen. Ido kanenice ajaas kesi einer... naarai abunit aisiiraret anyoun ko Louisville. Konye ajaas luka 4-H Club kede acuma naapedori aibelokin ikinyom luka emudunga kiton naapedoriata kesi aibwaikin calicium, petroleums, ka nginibore kere toma omudunga, kosodete ainakin nges aisub cut bec bala asubunitai kanejai...

87 Ajaatar luka 4-h ngin abu science isiteko ngin ebe asubit cut bala emudunga lokabeit ebe ipedori ijo

amukun idis kopuko kosodi airaikin misiri, idis kotoma opuko adaunit acuma aijulakin, ka lo kalailo (loabu acuma kibelok) apedori aiswamaun eipone loka akuma nuka euga nueputos, atap naka euga. Ido cut abeit ipedori ayangar kes neinwakere kosodi aitub kes, ikinyom, ido mam ijo ipedori atiakun ediopet kanejai loce. Ajaas kede aimwaus naka petroleum nariana, aimwaus naka calcium nariana ka akipi; ibore ngipengin yenejai okinyomit ediopet nges ajai nejai loce da.

Abu ngesi kotema ebe, "Eipone ediopet bon loibecokina lojenunet loekorunitai komisiri, ka ngol loesubunitai kede acuma: nges aidaikin kes ngul iarei. Kosodete kesi iarei kere aibos, ido loasubitai kede acuma mam apedori alomun bobo; konye loabu Edeke elopet kitopolounite, ejaruni bobo." Kanukinyo? Naarai amameete kede ajar.

88 Ido ipedori ijo kosubite bala Ikristayot, aswam iboro bala Ikristayot, ka aswam nginibore yenajokan yenipedori ijo aswam, ido korai lomunot nejai ekonikanisa; konye arai mam ijo kitajaritai kede Emoyo Lokalaunan; Ajar naka Edeke, Ajar Namam Edaun abunore tomakon; mere kanuka alimor, konye kanuka *ainakinet* naka Emoyo Lokalaunan. Koipone ali idumunia ijo Ngin? Abala emuron ebe, kotoma apaaran naka Pentekosit, loabu kiwadik amukian, "Kitoronikinos, ido kibatisaunos nginidiopet kayesi kOkiror loka Yesu Kristo, ido idumunete ainakinet naka Emoyo Lokalaunan." Ainakinet naka Emoyo Lokalaunan, loerai Ajar Namam Edaun. Ngin Ngin bon nges ibore yen ejaatar kAjar naepedori Ngesi aitajarunitabon nges ibore yenepedori Edeke aitajarun. Ngin bon nges ibore yenejaatar kAjar naepedori Ngesi aitajarun. Ianyu? Ngin bon nges ibore yenepedori alosit. Amuno eong ebe ecai nging. Koinak Edeke koraun ebe ecai.

89 Kwana, Inikolain kapakio kangun ajaas kede ewai lokaput, kosodete aimorikikin kede ekanisa lokapiirit; aitolomun itemuan loka ikapiirin, alemar itemuan luka Ikristayon; kitolomunete edeke loka ikapiirin, koinakinete ngol alimunun akiro ka einer, kotoma adoketait naka ekaanyanaran. Asipokin kuju ngina, aitanap ka ainakin ngol aibus bala edeke. Itei ijo? Mam erai nuejaas kinga, erai nuejaas toma. Ikinyom ngul iarei luka emudunga aputosi; mam arai nuajaas kinga, arai nuajaas toma. Itei ijo, toma, Ajar. Eebo, aponi kosubunai kangina, ido nging nges arai aiboisit naka aurunio naka ekanisa losek loka Atulik, nges arai toto naka ikanisan kere luka idiinin.

90 Kwana ibala ijo ebe, "Eebo, eong...Onac Branham, bon ebe mam eong arai Etulikit."

Kwana, ipak edit ber,k abwoutu ber oni kane itikatikat bon, keja ber ngun da. Ido kapukosi ber oni kwana kanejai Apukokinio, esula lo 17, idakika bon. Abu eong arasak apukor toma. Kwana erai na apukokinio naka inyo? Yesu Kristo, neejasi Ikekanisan. Kwape asiomia eong, kopupok ejok:

Kosodi kobu ediopet komalaikan ikanykaarei luajaas atanyia akanykaarei kenerata keong, ebe...Bia, ketodikini ijo atubokinio naka naadote nakapolon naiboie kakipi nuipu:

Kwana, tetere eong ajaas kede ajenanut, imwasi bo ai ejenete ebe *aberu* kotoma Obaibuli, nginipak naeinakinere nging kwape ejenunet, erai akepolou "ekanisa"? Eebo. Imwasi bo ai ejenete "amalayat" nakapolon, cut kanepokane kotoma osula ngopengol, nges ejai "ere loesipokinitai kuju irongan ikanykaarei"? Eebo.

Ido kwana imwasi bo ai ejenete ebe alimunit Ebaibuli "akipi"? Kane iboie nging kokuju "kakipi nuipu"; mere *akipi*, konye "akipi nuipu." ido *akipi* erai akepolou "itunga." Inyobo, kopuko ber ijo esula lo 15, ianyuni ijo kane, itei ijo, ekokoro lo 15, itei ijo:

Kabala ngesi eong ebe, Akipi nuibu koany, kama iboio naadote, kes itunga ka ikodeta, ka atekerin ka angajepa. (Ianyu? Ianyu?)

91 Kwana, kerai aberu na naepaarit. Mam kereka nging kerai? Kwana erai na aisisianakain, aso ekoto ijo aibwaikin aomisiokon kaukon kwana. Ianyu? Ingaibo enyaritai aberu nging naemunauna "amalayat"? Nges aberu namam erai namunot neejai aitutuketeke naka edukone. Kwana ekanisa, ekanisa loka Atulik, abala ebe erai Ateran ka Aberu naka Kristo. Karaida abikiran etubete ikecetim, ido emamete kede eipud, "eipudikec kere erai neejai Kristo." Bia nging edolit?. Abeit. Arai idiotunganan...

Alomunit eong kotoma apetetait naka Atulik, itei ijo. Ajaatar eong ka ikec Facts Of Our Faith, ka ikeceitabon; ido yesi luka Protestant, ka Baptist, ido kere nuiyuunito yesi; kangina kotoma aisisiaka. Aso, esisiai eong nging tetere arai elimu idiotunganan idiobore. "Wao atipet!" Apedori eong aigang ijo kotoma alimunetekon. Ianyu? Aso, adolu esawa loibusakinitor Nu alomar kinga.

Kwana, ibore yenisodit, ajai ber Edeke aitor toma akwap, kitodianari aanyuneta, nukaumokin, ka aswamisiko nukapedor, tetere itunga ejenunete. Ejenete amerekekin nuka Edeke Ekeporoto, ejenete kesi, ejenete kesi becebec cut. Ejai ber ijo aige ajenun...Iloma ijo kinga komam ijenunit, ibun ido ijo...Inyobo iswamauni ijo? Imusungi do ijo kes adepar da. Kinyek nging...kojalak Edeke koya nging. Ianyu?

92 "Etodikini ijo atubokinio naka naadote nakapolon." Kwana, arai abu korai nges nging, akepolou arai nging naalimorit araut icebore yen...Ajai nging aswam adoteu! Bia nging edolit? Eebo, akepolou, arai abu nging korai ekanisa, ajai do nging aswam adoteu kama ajai Edeke. Bia nging erai abeit? Akepolou adoteu, epedori

araut aelo, aelo nakomoyo: ejai ngin aisisianakin icebore otunga yenimam erai Akirot naka Edeke. Biai ngin edolit? Ejai ngin aisisianakin icebore yenimam erai abeit. Inikolain ngul. Iseseni ijo ngin ebunit? Elosi aibwanakin luipaapa, ka isasedotin, kosodi alemar Emoyo Lokalaunan kinga, "Atuboros apaarasia nuka nukapedor"; ido kobala Ebaibuli ebe, "Yesu Kristo Ngopengol bian, ka ikar kere." Abala Ebaibuli ebe, "Kitoronokinos ido kibatisaunos nginidiopet kayesi kOkiror loka Yesu Kristo kanuka aisionio naka adikanaretakus"; ebalala ngin ebe, "Papa, Okoku, ka Emoyo Lokalaunan," aicokicok, aibuk akipi. Oo, ikatunga! Ianyu?

93 Eebo, Kosesen nuajai aberu na aswam:

...naadoteata ikabakan luka akwap, ka ngul da luiboiete kotoma akwap amerikinos ebino loka adoteuke.

"Amerikinos!" Aiyar ijo, atubokin ijo atwanare, ainomar ijo, arai idiobore kere, onac. Emeras teni kesi abeit ebore ngol. Ianyu?

"Ebino." Ngol nges ejai ngin akoranar, itei ijo, ebino loka adoteuke. "Ber eong alimok ijo icebore! Arai totoka Atulikit, ido abuni eong..." Eebo.

Kwana, ibala ijo ebe, "Erono ngin noi." Kwana idarek ber mot, Protestant. Ha! (Eneras eong kede lu luepupete ateepon. Itei ijo.)

94 *Abu kadaka eong amoding kotoma Omoyo: kaany-kaany da aberu iboie kotiang loereng,...*

Kwana, inyobo itodunit akirot ebe *loereng*? Itodiarit "ekabakane." Akepolou...Apeleikinit eong, akepolou "akabakanut, akabaka naerimana," itei ijo, bala ikabakan ka ice da.

...ileleba ikiroria luka ainyanakin, kojaas akwes akanykaarei ka amumwar atomon.

Kwana, *akwes* akanykaarei kes "irongan" ikanykaarei luiboio ere. Ido aberu na nges erai ere, ijeni oni.

Ido kisirite da aberu anapito namuge...

"Aberu." Etiang kerai loereng, konye aberu anapit anapito *namuge*. Kwana, eong tope mam abu kekwenyarite yesi apaaran ya, ebe ejaas aigalisio auni? Mam eong ajeni arai ajari eong aojau anyoin, konye kiitutu na. Kwape abu eong kalimokinitor yes ikar luipu kau, "Kocoito Russia." Ejaas aigalisio auni, kiitutu na. Ejai aigalisit *nasuat*. Ejai aigalisit naka akito nuka *bamboo* (Red China ka ace da). Ido ejai aigalisit namuge, kocoito aigalisit *ngin, ngin* nges nakengalan. Adepar noi...

95 *...konapite aberu anapito namuge...ka narengan, ...kisirite esabu...ka amor nuka akais nuipu* (kiitu neenerar eong kokau kane nuikamunitos nuarai etem lokosodit loka Inikolain? Ianyu? Kwape keraar aberu "ekanisa.")... *ka ilulun, kojai aikopo naka esabu akanike...*(iitunito yesi? Esabu loadukokinitai kuju otem; aikopo, ajai ngesi ainanakin itunga)...*naileleba italesio, ka asiilianut naka adoteuke:*

Ngun kes ijaanakini ngesi itunga; ajaas ngul aimat ngol. Abeit cut. Komerar ngol! Komerar emeret! Atukos ngin kere naka itunga luka Ireland, ka France, kaiceda, etubio ekonimorosing arai kilim ijo idiobore aitepegia ekanisa ngol. Abeit cut, etuborete. Ianyu?

Ido iwadikatete oreeteke ekiror loka aiyeyea ebe, BABULON NAKAPOLON NAKAIYEIYEA...

Kwana, aibo abwotunia Babulon? Anyoun ko Babulon kiton Perugamo, kosodi araun...Satan ijulari ekeicolong. Oo, korai to oni apedorete ator Apukokinio angetakin kere, tetere ti ijo ianyuni ngin.

...BABULON NAKAPOLON, TOTO NAKA NUDOTEA...TOTO NAKA NUDOTEA KA ITALESIO LUKA AKWAP.

Arai bo ngin ingai? Toto naka nudotea. Mam ngul araas odwe. Biai ngul araas?

96 [Aiboisit naemamei ibore kateepu-Ekewa.]...ekanisakec. Eebo, ipa. Ebalala, "Mam kereka ekanisa enyaritai kObaibuli ebe, 'Babulon'?" Itei ijo, kotoma oitabocek obe. Eebo.

Kwana, arai abu ngin korai amalayat, nadote, ido korai ngesi toto naka nudotea, ajai nges ajaut kede adwe. Ido arai apotu kesi koraas adwe, araas kesi apesur, araas kesi ikanisan. Kwana aibo abunio ekanisa loka Protestant? Biai ngin nabeit? Inyobo atiaketait kiding a-adote ka amalayat? Ibore ngipengin.

97 Abu Martin Luther kolom kinga, aijular kinga, kanu ainakin ekanisa lokabeit arereng; Wesley; cut kiton Pentekosit; ka nginidiopet kakes abu kobongo neejai aomisioit naka Inikolain naka erionget, kede ikaanyanarak lukapolok, ka nginibore kere, kosodi abongor cut neejai aibatisao ngipengin naaponi kibatisaere kes kede, eipone ngopengol, ipucino ngupengul, luipu kotoma kakesi da kede atikasimun ka 'ayogan Maria.' Mere *Ayogan nuaMaria*, konye...Inyobodo na naikamunit ibore yeneputo? Ailipa ngin naka ikiyakia. Kitodikinai eong etal loka ikiyakia kotoma Obaibuli, onac. Arai-arai teni ajaatar ngul kaiyuunet, erai do Aswamisio 2:38, ngun kes apotu ngul kicorakisi nginitunganan kere aswam. Aibo ber ipupunitor ijo

ikiyakia iswamaunete aiyuunet adio, kobalas ebe, "Eyuunit eong ekanisa Lokalaunan loka Roman Atulik. Eyuunit eong eidicane loka lukalaunak"?

Neabu...Petero, loaajaatar kilaceta, kotemaria ebe, "Emamei bobo ekapuron ece kiding Edeke ka etunganan dimarai Yesu Kristo."

98 Konye kosesen ikanisan luka Protestant. Inyobo apotu kesi kiswamata? Mam kes apedorete aisimonikin. Nginidiopet kotoma kakesi loalomuni kinga, alomuni kinga kede Arereng naka Pentekosit. Abeit ngin. Karaida Martin Luther kinerit kotoma angajepa, Edolit ngin cut becebec. Abu kolemar elopet, kobala ebe, "Edeke, akiro nu nuetioko nuajai eong aidac, ido komam eong ajeni nuenera." Ianyu? Abeit cut, eyuunit ngesi Ngin. Naabeit, eyuunit ngesi.

Kwana kwap kotoma aturio ajaatar-ajaatar kesi kEmoyo, konye ikunyanarete kesi awai kosodete aiswamaun iriongeta akaulo naka ikageunakakec anyoun. Karai yesi ainyekikit ekanisa loka Lutheran alosit iingaren, ido komam araun erionget, ti erauna Pentekosit. Alibo ekanisa loka Pentekosit? Apeleikinit eong Pentekosit obe. Mere ediini, kwana, erai kwape "amot kede ebinika" bobo. Ianyu? Konye apotu kesi kiswamata ibore ngipengin, ido abu ngin kinyaka kes neejai Enikolaene kwape apotu ngul kiswamatar kageunet. Imwaasi bo ai esesenete ngun? Kotemasi, "Amen." [Kotemari atukos ebe, "Amen!"-Ekewa.] Abeit ngin. Kwana, tetere ebe eong ajaunos kede akusikirot nairaasi yesi...

99 Itei ijo, toto naka "amalayan." Arai eraas kesi amalayan, Epone bo ali araunotor ngun amalayan? Kanuka aswam adoteu asuruokin Akirot naka Edeke. Arai abala Akirot naka Edeke ebe, "Kitoroniokinos kibatisaunos kOkiror loka Yesu Kristo," ido ngitunganan kangina ebatisatai kOkiror loka Yesu Kristo' Ekiror, ido yesi aitwasam "Papa, Okoku, ka Emoyo Lokalaunan." Erai ngol eimalayane! Biai ngin erai nakabeit? Ido arai erai aibatisao na Obaibuli kotoma aitulum (*baptizo*, elomunit kotoma akirot naka Ayonanin), aso aibo do idumakinete yesi aicokicok ka aibuk akipi? Aibodo elomuna ngin toma? Arai kiburokisi yesi Emoyo Lokalaunan kede aijang akanin, araibo aimulumul emugati kaitukeikus ka ailikonor ngol, arai icebore koipone kangol, kanuka Emoyo Lokalaunan, kwabo abuni Emoyo Lokalaunan kokuju bala ekwam loekusi kosodi aialeb itunga, kosodi ainakin ngul einer kotoma angajepa, kosodete elulu, kosodete asubit bala itunganan yenemera, kosodete do yesi ailocokin nen aijang akanin, araibo aibwaikin ekonibalua okanisa ece mutan, araibo icebore kwape nat kangin, eipone bodo ali cut ipedoriata yesi anyoun kotoma oipone loka aswam adoteu nakomoyo?

100 Kwana, kingit ber ijo akonikuan ngun. Ilakilakak ikoniwomisio kwap, kopuko ekonitau kolacakin, iinacan. Ijai oni angeset naka erot. Mam ibwaikinitai atukonokineta nu ne titai. Araas aicorakinet naka Edeke. Eyuunit eong ebe erai ngin abeit cut kwape eong...iyuunito yesi ebe arai eong ebulesitiKe. Alimuni eong ngin Kokiror loka Yesu, ebe Edeke abu kibwaik otauka abunore ne. Mam eong adumuni karaida igodi idiopet kanu aswam ngin. Ti eong-eong-eong-eong-eong ajai kinga ngina ailipanakin lukadekak kanenice, arai icebore kwape kangin. Araibo ti eong ajai kinga ngina alosit ailok lukecor, kasodi aswam ikasirigin koipone kangopekangol, adumununei eong eropit kama ejai ekanisa. Konye abu Edeke kibwaik Ngin otauka; mam eong apedori anyoun kama ejai Ngin, ajai eong ne Kokiror loka Ejakait, eswamai nginibore kere yenajeni eong eipone lokiswamaet. Mam icamakini Ngin kotub ijo.

101 Kwana, luka Protestant, isesenete yesi nuapeleikinit eong kanuka ekanisa loka Atulik ka Protestant? Bon...Eputosi ediopet ka loce. Erai ngin nakabeit ngin cut bec.

Kwana, akepolou ewenitos epeta, *Perugamo* akepolou "ewenit epeta."

Kwana kalemutu ber oni...Abala Ngesi ebe, "Ejaas ijo itunga luejaatar kaisisianakin naka Balaam." Alemutu ber oni ngin.

Oni kijaar kapak? Abuni eong aisunyakini katipet kwape apedoria eong. Araibo ajok ti yesi kidareutu kosodete aanyun arai ipedori oni abongun tupuruc? Imwaasi ai ekotosi ti oni aikunyakini ber iingaren, aiyatakin ipak edit ber? Kinyek...Ejok, kwana ajeni eong-eong ebe emwana kotoma kane? Itei ijo? Konye, oo, ikatunga, ijai oni itamit anyoun kotoma aiboisit ngin naemwana. Itei ijo, ikoni ngin-ngin nen, naarai, irai oni Lumam Idaun.

102 Kwana, kwana ejena bo ebe neasipokiniata kesi ekanisa koipone kangol, inyobo abu kiswamaun? Kwana kopupokisi ejok, ikadwe. Nuapotu kiswamaunos? Kanukinyo, ejena sek ebe, abu ngin kirengea Emoyo Lokalaunan cut kinga naka ekanisa. Komam abunokini amamei kotoma ikaanyanarakakec loabu kitajaru lukatwak arai aswam aswamisio ngun nukapedor. Ido kes ineras nuka lokalaunan ece ajaut toma okanisakec! Apotu kesi kitepegeta ibore ngin, konye ebalas kesi ngul ebe lukey!

Koany ber ijo Joan naka Arc, apese ngin nadidi. Engisi eong yesi itunga luka Atulik, arai yesi luka Protestant, ido kotoma kayesi. Joan naka Arc, kotoma apakike, amamei ibore ko France kangina, konye ekanisa loka Atulik loabu kiperik lukalaunak kwap. Konye abu Edeke kiswama kaneajai apese ngin ido ajaatar ngesi kEmoyo Lokalaunan. Ido anyoika bo abu ngesi kiswama? Apedorit ngesi aidwar iboro, ainanakini Ejakait nges aitapoeta kosodi aidwar ngin. Elipanakini ngesi lukadekak. Abu ngesi kilipak

imukeru yenididi yenatwanit, kosodi ajarun bobo. Erai ngin eipentekotene. Ianyu? Ido anyoika bo abu ekanisa loka Atulik kiswama? Apotu kesi konyarautu nges aitoosa, kosodete aicwear ngin kopir kwape "acudan."

103 Ido kwana ibalas yesi ebe, "Joan *Nakalaunan* nako Arc." Ikar akwataarei ekaulo, nepetai, nges amisiikinia ekanisa nuapotu kesi kiswamatos, ebe kerai ngin Nakalaunan, oo, ejena bo sek, eswamata kesi aitoronokin kanuka ngin; apotu kesi kobokununutu awat nuka isasedotin kangul luapotu kotubokisi ngin atwanare, kosodete acakanakin ngul ocillet. Iwomito yesi ebe ilotari ngin aokot awai naka akecekanin? Ebalala Ebaibuli ebe, "Aponi kodumakinai aokot nuka ngolidiopet lokeario kanuka aiyuun tomake." Ngun kes abala Emalaika loka Edeke ebe aponi kodumunai ko Babulon, "Kangoliyarit, arai yen aponi koarai kanuka aiyuun, ka lukalaunak kere luka Kristo kere luaponi koarai, aponi kodumunai cut kane kama ejai Atur naka Inikolain alosit ngaren, nginidopet kere yenaponi koarai kanuka aiyuun." Koomoom ber ijo ngun. (Eyalama noi, Onac Ben.) Kwana, koomoom nuikamunito ngun.

104 Kwana, aiyatakin iingaren mot kwana, abu ekanisa loka Ikristayon kodukokinos kede a-a a...ka Babulon. *Perugamo* akepolou "aiwen epeeta."

Kwana, "Aisisianakin naka Balaam. Ejaas ijo itunga luikamunito aisisianakin naka Balaam."

Oo, kaminakito cut eong iboro lu. Karai bon yesi kopedorete atitingikin asalakin adaun iwojau mot kanuka idiopet, itei ijo, konye yesi...Ikoto ainakin ijo aanyun ngin kasodete aikunyar neejai icebore bobo, naarai ileleba iboro luketiai noi toma. Arai eong ekangicunan; kaminakinit eong aijesar kwape kasodi abokun iboro luketiai lu kuju kasodi aitacaun kes, ka aiputar kes koipone kalo, kasodi asesen kes. Ido kanginidiopet kakesi itoduni Yesu Kristo! Kanginidiopet kakesi, itei ijo. Kanginidiopet kakesi itodiarit Yesu Kristo. Erai Ngesi Alupa ka Omega, kanginitutubet yenika esabu kotoma amoru nuketiai. Edolit ngin. Erai Ngesi kanginiditunet naka Ngol. Ngin nges apolou, eraar Ngesi Edeke enapit akuan kokidingiwok.

105 Kwana, kanu apedor amisiikin...eong-mam eong ayangaikini apak kanuka na, naarai kijaar eong...etei eong erai isawan iuni. Ido kijaar eong ibore icebore yenakoto eong aitolomun toma atibong na, arai kitojok Edeke. Ido akoto eong ijo aiwadika na kosodi ijo aisiom moi, kosodi ijo aiwadik Aimario 22 kiton 25. Akoto eong ijo asiom ngin kopekwana, ido ipedori ijo atupakinit eong kokauka. Ido kwana-ido kwana Aimario 22 kiton 25.

Kijeni oni ebe Isirael-arai Isirael itunga luseuna luka Edeke. Biai ngin erai nakabeit? Araas kesi lu... Araas kesi Ipentekotin. Ajaatar kesi kEmoyo akidingosikec. Iitunit ijo aisiraret naka akuar natubor? Eipone loabu Musa akaulo naka aitub Angolol Nakarengan, arai Dead Sea, kosodi adumun kokaukeng kotoma Angolol Nakarengan, aokot nuka, ebwoikint aokot...inyampalan kere lukiiritotor aipot ngesi ka idwe kere luka Isirael. abu Musa kikia akekan kosodi aiwo kOmoyo. Oo, kanginidiopet kaoni ipedori araun Musa nakingoliara oni kau toma Aokot nukarengak nuka Ejakait Yesu kasodete aanyun ngolimeret lomong, ngolicupa lomojong, nginiberu naenapit erono namojong, kanginibore yenimojong yenaronon yeniswamator oni kotoma aijarawok, kere etwakito kotoma Aokot nuka Ejakait Yesu. Einakini ngin oni ayoere kotoma Omoyo! Esigala, etaaba, ka iswamasio lukaronok, kanginibore kere, atwana, kotoma Aokot nuka Ejakait Yesu; kwangin ipedori do oni aikeun awokokanin kuju kasodete ayoere kotoma Omoyo. Ianyu?

106 Koany ber ijo nuabu Miriam kiswama, anabi. Kwana, kiitu ebe, arai ngesi anabi. Abu kolem atenus kosodi ageun airam atenus ka ekosio kotoma Omoyo, kosodete apesur nuka Isirael atupakin nges kwape kariri naka ecor, koramete atenusio nu, ido kikosiete kotoma Omoyo. Penetekosit nateni!

Ido arai kimisiik ijo neadolokinatar kesi Moab. Kwana ijai oni abongor kau...Ijai kwana oni toma kaNaiwadikatai, kwana, "aisisianakin naka Balaam." Ido arai Moab-Moab Onaceke Isirael. Imwaas bo ai ejenete nealomunito Moab? Ejok. Moab nges ti anyarai eong kwape naeropunitai, naarai ebe ageuni Moab kama ejai akoku naka Lot. Abu Lot kodum ikoku kede akokuke obe, apotu kodumutu idwe iarei. Ido Moab nges arai idiopet kakesi, kosodi ngol aismamaun akwap naka Moab, ateker. Ido, abeit cut, arai Lot ocenike Aburaam, naebonguni cut toma okokoro ediopet ngopengol. Kijeni oni ngun. Akoto eong ijo ajenun ebe mam ngul keraasi ikapiirin kwape einakinatar ijo ace kotoma aboliasiowok...Kiitu ebe, keraas kesi ikeyuunak. Kwana, apak naabunio Isirael korotokec alosit akwap naka aismumunet, kojaasi orotokec cut kotoma okokoro loka aswam. Apotu kesi kijukasi ikiyakia neejai Moab, kobalas ebe, "Kocamakisi isio ketoroto akwapukus. Irai isio onacekus."

107 Kwana, abwoikinit Moab Inikolain. Kwana koany ber ijo kotoma adakika bon. Abwoikinit Isirael Ekanisa lokabeit. Ido arai Balaam ediopet kotoma ikaanyanarak, luipaapa. Kosesen kosodi aanyun kwana; Ekristayone loka akuan. Kwana imisiikini oni ebe ajaatar ngesi kainakinet, emamei abuonokin kanuikamunito ngin. Luipu kotoma kakesi eraas itunga luineras ejok, luesiomarito noi akiro nuka ediini, ka-ka itunga lukapolok. Mam ijo ipedori aitepeg ngun. Konye, "Kojaas kede aput naka ayongit Edeke, konye kongerito akepedor."

Kobongosi kau neejai Pentekosit nageunet! Mam inyounete kanen. Karai kinyoutu, iwoliosi. Kosalakisi

kede arereng. Nges Ngin, Ekesirerengon loka arereng.

108 Kwana, Koany kwape alosioto kesi. Apotu kodolutu neajai ekanisa lo lokaput loenyala, kosodete kesi atemar, "Ijai isio atubor neejai aisikwarunio. Ijai isio atubor akwap naka aisumunet. Yesi kicamakinete isio atubor? Arai ekonyanasi ikosibaren adionya, arai kematata adisikipi, ibuni isio atacakin yesi kanuka ngun,"

Aso anyoika abu ngol kiswama...? Ekabaka Balak, abu ngol korieng, ido mam nges akoto eipone airiamun kangin kokanisake arai kakwapuke. Aso anyoika abu ngol kiswama? Abu ngesi kijuka akiro neajai ipaapa, araibo ekaanyanaran, Balaam, enabi loipagisao, loamina isirigin adepar amin Edeke. Kosodi ekabaka Balak alimokin nges ebe, "Arai kibu ijo ne kosodi aikenokin itunga lu, etarauni eong ijo etunganan lokapolon." Kosodi Edeke ainerakin kede Balak. Mam eong ajeni arai epedori ti aiswamaun koipone kangol...apeleikinit eong Balaam. Mam eong ajeni arai luka Balaam idi ejaas toma akwap atibong na? Ikejaanakinak luka Methodist, ikejaanakinak luka Baptist, isasedotin luka Atulik, (Aitim!) luejenete Edeke ngol...Arai kisiom ijo akiro ngun nukolosek ka Eitaabo ngopengol loasiomi eong. Balaam!"

109 Kwana, koany. Kosodi ngesi atemar, "Kobia ne kosodi aiken itunga ngul."

Kosodi Balaam atemar ebe, "Mere ber eong kengit Edeke."

Abu Edeke kotema ebe, "Mam ilosi!"

Konye atupuruc naetupakini, abu ngesi kotema...abu ngesi kolot kosodi alimokin esasedoti, arai e-ekabaka.

Kosodi ngesi abongun, ebal, "Oo, etarauni eong-eong ijo etunganan lokapolon."

Aso abu Balaam kinyikok iingaren; kolot bodo ijo iingaren, kolot iingaren."

Itei ijo, arai mam ijo itupakini Abeit...Iwomitos yesi, Inikolain, ebe naarai ejai Edeke aiswamanakin yesi nuijaas yesi awam koipone kangol...Ejai kereka Abeit nageunet! Ijaas bon yesi aitwasam akote nacamakina naka Edeke. Ibalas yesi ebe, "Einakin Edeke isio Emoyo Lokalaunan," arai "Kisirerengenenei Ngesi isio, ido ibatisatai isio kokiror loka 'Papa, Okoku, ka Emoyo Lokalaunan.'" Ijo Ebalaamit! Itei ijo, aisisanakin naka Balaam. Abu Edeke kolimok nges, akaulo naka nges aipaliikin, abu Ngesi kocamak ngol alosit iingaren, amiedakin bon. Ibusakinit ijo abongor neejai Abeit, Abeit nageunet. Abongor Obaibuli. "Oo, eebo, abu Ngesi kisirereng isio! Kosodi-..." Oo, ajeni eong ngun. Abu Ngesi kolimok Balaam, ebe, "Kolot do ijo iingaren. Arai ikoto ijo alosit, arai erai ngin...Ebeit ijo alosit kowai ngol, ido ikoto ijo erot loka erionget; kitor nen, kolot iingaren."

110 Kosodi Balaam anyoun, kosodi asomakin akenyubu, arai, mere akenyubu, akesigiria, konyouni ngesi alosit. Ido ibore yenisodit, yenijeni ijo, abwoi Emalaika loka Edeke korot. Ido ijeni ijo, enabi ngol, ipaapa, ekaanyanaran, araibo ekaanyanaran lokapolon, nuarai ngesi kere, amudukana nejaas iboro lukomoyo, aomit ngesi ebe alosi ngesi adumun aitopoloorio, naarai eboie ngesi kocilet loka Eupurat. Aomit eong ebe aomit ngesi ebe arai ngin airumet ace, bala "'Toma Atiida na adukokini eong Ekakanisa,' Petero," araibo toma atiida ace naajai Rome, araibo icebore. Konye neadolokina ngesi toma aiboisit, abwoi kanen Emalaika kodakite ekileng, ido amudukana ngesi noi kiton ebe mam nges apedori aanyun ngol. Kosodi asigiria agirisior akekeju karwatat. Kosodi ngesi ainapanap ngin kosodi Emalaika aibwo korot bobo. Ebuni Edeke agolokin ngolikek! Kosodi asigiria ainyikokinit aibelonokin. Kosodi ngesi asomun kwap, kosodi alemun ekebela kosodi ageun ainomonon ngin kede ngol. Isigiria yen, eperi kanen, eutai ainomonon akou.

111 Ido eong, ajeni cut ibore yenabu kibelok nges, ibore ainakini nges ajaun kaomisoit, arai alimokin nges neebucaritor ngesi, abu Ngesi koinak anyubu ngin einer kotoma angajepa. Mere anyubu, kerai ngin asigiria! Mam itemari ebe kerai ngin "anyubu;" timam nges edumunit ngin, erai ti ngin nainyalinyalita. Itei ijo? Kerai ngol ekinyomit logeunet.

Arai Moab, "Aanyuneta atuboros, iboro kere atuboros." Isirael ajaas kede aanyuneta etupitos kesi.

Konye abu asigiria na kibelokin kosodi atemar, "Eong mam kereka arai akonisigiria? Eong tope eiritor..." Ido ngol-ebishop ngol iboie kokuju kanen luamudukana, koroko ibungai enyubu ngol; kosodi enyubu ageun ainerakin kede nges, kotoma angejapa numam ejenas neejai enyubu.

Kosodi ngesi atemar, "Eebo irai ijo-irai ijo akasigiria."

"Ido eong-eong mam kadakitor ijo, araibo eong ketukurworitor ijo?"

"Mam, mam ijo iirit aitukurwor. Konye karai kojai eong ekileng, ti eong kaar ijo, ti eong ketobwou atukonokin na. Ajai eong orotoka aitikokin atukos ngin naka lukalaunak luibelibelos kinyekikis abunore aitor akwap na. Ti eong-ti eong edokok ngol neijai ijo." Ianyu?

112 Ido ibore yenisodit yenijeni ijo, abu ngesi kongolongol, abu ngesi koomoom ebe, "Kwana, itegelikina nu. Apupi eong asigiria ngin inera."

Oo, Balaam! Hmm! Itei ijo, enerenen duc Edeke kotoma angajepa numam ejenas nejaas itunga. Abu ngesi kiswama ngun kotoma apaarasia nuka...Ibala ijo ebe, "Arai ngin bon ko Pentekosit." Oo, mam. Mam, mam. Kopucit loka Beltesesar abu Ngesi kiner kotoma angajepa, abu kiwadikaik ngin kuju arwatat. Ajaatar ngul ketunganan nen loajaatar kainakinet naka aijul, aso abu ngol kijul ngin kanukec, abu kolimok kes nuarai ngin. Ibore ngipengin lolo da.

113 Aso, kwape araar ebe amamei ekejulan kanuka Ngin, abu do Edeke koinak emojong lo loebe Balaam akwenyun (ekaanyanaran lo) amisiikin nuarai Ngin. Ido ijeni ijo ebe abu ekesa loamudukana ngol kinyikok alosit iingaren kwapekwangin? Abeit cut. Eipone ngol iswamata kesi lolo, ibore ngipengin; Imoabin, Inikolain, elosete iingaren. Kosodete kesi ainyikokin alosit iingaren kanena, kosodi ngesi alosit...Kwana koany, karai ti Edeke aimar aricit ikisila, ebusakinit Nges ti aisirereng Moab; naarai, koany, abu Balaam koduk itemuan ikanykaarei, edolit ngin cut bec.

Enaaba ikanykaarei: aturio akanykaarei nuka ekanisa. Koany ber ijo eipone loajaar eiswamae lokomoyo? Kwana, koting ngin kwana: eiswamae lokomoyo. Alosi eong elemun ngin kotoma naedit. Kotoma aiboisit naeninik. Itei ijo, eswamae lokomoyo. Itemuan ikanykaarei, imongin ikanykaarei (Itiang lualaete), ka imerekekin ikanykaarei; enera nuka abunore naka Kristo, akwat nuka ikar eroko Ngol kebuno.

114 Konye, eyuunito kesi. Inyobo eyuunito kesi? Eyuunito kesi Yawe Edeke. Inyo kereka bobo icebore eyuunitosi kesi? Eyuunitosi kesi ebe asubanit naelai nges kebeit ainakin. Naabeit ngin. Ido abalas kesi ebe eyuunito ebe kebeit Mesia abunore, naarai ainanakinete kesi ediga lokiliokit, loarai emerekek. Edolit ngin?

Kwana, oupakinos ber ijo kede luka Baptist apak adiopet; koany arai mam iswamaete ibore ngipengin. Edolit ngin cut bec.

Eebo, inyobodo atiaketait? Ajai Isirael lailo kokwap naka erongot, ejaas ainanakin asuban ngupengun nuainanakinete ngul kokuju kalailo, ilipete neejai Edeke ngopengol. Ijo mam iseseni Inikolain? Luinyalunitai! Itei ijo ngin? Ijo mam itei lukomoyo lukabeit. Inyobo kerai atiaketaitikec? Ediopet kakesi ajaas kede aanyuneta etupitos! Loce je ajaatar *kaput*, loce ajaas kede *aanyuneta etupitos*.

115 Ibore ngipengin nges yenabu kiswamaun kane, Airiamun nako Nicea; Inikolain, aput naka Ekristayone. Kosodi Emoyo Lokalaunan abongun kosodi atemar, "Ijaatar yesi kaisisianakin naka Balaam kakidingosikus." Ianyu? "Ido yesi...Alait eong aswamasio ngun nuka Inikolain, aisianakineta ngun nuejaatar kesi, naarai erai aisianakin naka Balaam loabu kisisianak idwe luka Isirael aiguiquin." Eipone bo ali abu ngesi kiswama?

Kosodi do nakelomaria ngesi kinga aiken itunga ngul, abu Edeke kotema ebe, "abuni Eong aiwen akoningajep; mam ijo ipedori alimun ace adepar nualimokini Eong ijo. Mam ijo ipedori aiken luesirerengit Eong." Aso abu ngesi kosesen kwap ngin.

Ido koany ber ijo etunganan lo lokesoswai! Oo, ti oni ikeria kinga kede ngin, itei ijo. Kosesen ber ijo Ekabaka ngol lomojong Balak, ekengarenon loka ngin kere, abu kane kolimok enabi lukaingal, ebala, "Kolot kwap ngina kosodi asesen kaukec."

116 Epone ngol nges eminatar ikanisan lukapolok einer mama ejaas idis luikidioko luka Edeke. "Ijeni ijo inyo? Ajeni eong ediopet kakesi. Etelepat! Ijeni ijo nuabu Ngol kiswama? Abu ngesi-ngesi kiswama *na*, ido abu ngesi iswama *ngin*. Eraas kereka kesi Ipentekotin. Abeit cut." Oo, konye arai kojoni ijo abeit naikamunit *kesi*, konye apapulai ka iboro ililinget kanuka ngun. Konye kinyek ber konyou loko Pentekosit kinga naka adolit apak ace, kosodi kosesen eipone loegatunia akwap kere ngun kinga. Eebo, ipa.

Konye, kwana koany, abala ngesi ebe, "kongolia ber ijo kauke, kau, ewai lokaronon kakere loka ngin." Abu Balaam kotema ebe, "Eebo, angoliari eong kauke, nuaronok nuiswamaete kesi. Ngun kes abuni eong aswam, abuni eong asesesn, akeceibucanar, amamus ajokisikec." Naarai arai ibu ijo komoote amamus ajokis, mam kes ajokuka. Nakabeit ngin. Apotu ngul kiswamatos nginidiakar nakejai. Konye nuabu kokurwok nges aanyun, abu kokurwok nges aanyun Atiida naenomital, Emun loka aisinit, aiyalama ngin naka Ekabaka kakidingosikec, aitangal, aanyununeta, nukaumokin, ka Epir loka Akim ikaja kokujukec.

Mam enabi loetumudakitai apedori aanyun Ngun. Mam, cut. Konye ajai ngesi aitodianar ewaikec lokaronon, "Ajeni eong ediopet loabu kolot kede aberu naka ecetunganan. Ajeni eong nu, abu ngol okoko icesirigin." Erai ngin nakabeit. Erai ngin nakabeit. Acamuni eong ngin; konye ejaatar kesi da kibore ngipengin kane konye mam kes elimunete imodiobore yenikamunit ngin. Ianyu? Aso etodianari bon ngesi ewai lokaronon.

Konye abu Ngesi kotema, abu Edeke kotema, "Kiner bon nualimuni Eong." Kosodi Balaam alomar toma Omoyo, koloma toma aitapoet; ido aiboisit naka aiken Isirael, abu ngol kisirereng ngin. Amen! Ekoni nen.

117 Kwana, karai Edeke aitac...arai aijaikin ayongio ainapeta, isomeron lu, ka isomeron luka akiro nuka ediini, ka isomeri, ka ph,D.'s ka D.L.D.'s ka, oo, iponesio kere luka D.D.'S...Eebo, dobodo karai kijaikinite

Edeke ayongio nejaas ngun, eebo, akepolou, ti do ijo...Ti do Nges ijaikinit ayongio nejaas ngul (Moab) Ianyu? Konye ejaikinit Ngesi ayongio ido adaunit aisirereng itunga (Isirael) ngul kede arereng, naarai Emoyo, Ekabaka...Abalas kesi ebe, "Ajai aiworo naka Ekabaka toma oidukuru." Inyobo? Inyobo? "Ekabaka loka lukalaunak." Elulu ka aiyalama! Kanuka inyo? Akabakanut ace.

Abuni eong aitogogong nekus ebe mam kes keraas luka ediini. Yesi ikotosi eong aswam ngun? Aomit eong ebwaikit eong ekokoro ne kanuka ngun. Eebo, ipa. Kinyek eong ketogogongik yes ebe mam Isirael kerai...Apukosi ber oni Aimario, tetere bon ijo ianyuni ebe mam ngul keraas. Kesi...Kwana, Moab kerai ediini loti. Ilosi oni alemun Aimario 23:9, "abuni eong alemun e-ekokoro lo 8:

Ido...Ekeni biai-ekeni biai, (abala Balaam), lomam Edeke ikenit, arai esirerengi biai lomam Edeke isirerengit? (A-ha.)

Kwana kopupok nu...nuabala Ngesi:

Naarai-naarai aanyuni nges kaidi naka atiiiban,...(Edeke ngol mere kokwap naka aditot, konye kaidi naka aitiiban. Oo! "Ejaas akekonye neikiara, ido ajeni eong ebe eseseni Ngesi eong.")...aanyuni nges kaidi naka atiiiban,...(Amen! Mere kama ejai ece...kau aditot ace tetere ijo iseseni ipurianakec bon; abu eong kaany kere,"abala Edeke.)...aanyuni nges kaidi naka atiiiban, ido eteluori nges koukono: koany, kes itunga luiboiete bonik, ido mam imarakinio atekerin

Kodaunos ngun kwangin? Mam ngul araasi ediini, "Atekerin." Oo, araas kesi ikejobirak kotoma oweman, okoridon, kwap kokoona loka erot, ayakian adio. Abongor kau, aipagis, kirengearete kesi kinga; Edarit Edeke kes alosit nenice. Ianyu? Ikalotok! Eebo!

118 Kalaije ko Jamaica, pac, ajai Epentekotit loaajaatar kedigiri kakiro nuka ediini ebwoi kanen. Kasodi eong atemar, "Oo, eipone loabu Edeke kisirerengitor Ekanisa losodit loka Pentekosit: amameotor kesi kidiobore." Abu eong katema, "Araas kesi ikejobirak, lailo ka laiije."

Ebala ebe, "Ah, Onac Branham?"

Eong ebe, "Eebo onac." Amina eong nges; onac lokajokan.

Kosodi ngesi atemar, "Akoto eong-eong aitodikin ijo neibucaritor ijo."

Abu eong atema, "Oo, eyalama eong noi kanuka ngun. Akoto duc eong-eong ajenun nebucaritor eong, naarai ejeni Edeke ebe; mam eong akoto aoliorit." Abu eong katema, "Arai ebucarit eong, abeit cut akoto eong ajenun ngin, onac. Eyalama."

Ebala ebe, "Inyikokinit ijo aiturit itunga ngul luka Pentekosit."

Eong ebe, "Eebo!"

Abu ngesi kotema ebe, "Apotu ngul kiwamautu aibucaret naaronon kakere naiswamaunitotor kesi, neapotu kesi kogwelanariata ikeceboro." Ebala, "Neadakunor areo, amamei kes karaida ere loabeit alosit toma. Amamei bobo kesi aiboisit nabeit alosit, kosodete kesi airia lailo ka laiije."

Abu eong atema, "Cut bec akot naka Edeke."

Ebala ebe, "Kanukiinyo?"

Abu eong atema ebe, "Karai kojai kesi ere tikebongosi toma, konye ajai kesi alosit anyoun kane kiton laiije, ekorarete akiro, nginiboisit kere, ebe abu Emoyo Lokalaunan kobu. Mam ilimokini eong ebe iswamaenenei Edeke aibucaret. Mam nges iswamai aibucaret. Ejeni Ngesi eipone loebeitor aswam. Apotu ngul kogwelanasi ikeceboro kosodete araun ikejobirak, kokoranarete akiro nginiboisit kere." Kasodi atemar "Apotu akiro kisiarakinis akwap kere najena kapakio kangun, kede ikejobirak ngul luapotu kopalata nginibore kere kanu ajaun kede Emoyo Lokalaunan." Mam itunga araas luka ediini. Ianyu?

119 Kwana, kiitu, ediini nges enyarit Edeke, "Nges abu koloma toma aisisianakin naka Balaam." Eebo, akepolou, neemam nges abu kopedia aitolomikin ngul odiini, ijani ijo nuabu Balaam kiswama? Kwana, kopupok, ejok kwana, ijai do oni adolokin agolokin. Kwana, nuabu Balaam kiswama, abu kiswama ibore ngipengin yenapotu kesi kiswamata kane kotoma Airiamun naka Nicea. Ngin nges apolou naabalar ngesi ebe, "ejai ijo aisisianakin naka Balaam ka Inikolain da ngul."

Kwana, Inikolain keraas itunga luapotu kolomutu kinga kosodete akotokin aiswamaun iriongeta ka-ka ice da. Luapotu kawasiake...Imwaas bo ai ejenete ebe erai ngin abeit neabalar eong ebe, "erionget"? Erai ngin cut bec Abeit naka Edeke. Kosodete kesi kawasiake aiswamaun erionget lokapolon kakere kotoma akwap. Ido inyobo apotu kesi kitarautu ngol? Atulik. Ido inyobo apolou naka akirot ebe *atulik*? "Anatar akwap kere." Erionget, loiriamit akwap kere, "Iboro ludidik lu kere ibusakinit koputu neejai ekanisa ediopet." Kwana, arai kimisiik ijo. Oo, eong...kinyikok ijo alosit iingaren.

120 Koany! Inyobo arai Babulon? Ingaibo apwakuni Babulon? Nimrod. Inyobo abu ngesi kiswama? Abu ngol kodukok etogo loeja toma ore loepol, Erionget! Ngin nges apetetaitike. Abeit cut. Kobuni cut kane kotoma aturio nuka ekanisa kosodi araun erionget bobo, kosodi ayangaun akwap kere tomake. Ido kanepekane cut abala ebe, "Naadote naabu koinak atekerin kere aimat ebino loka adoteuke." Adoteuke naeswamai ngesi, kobala ebe erai "Akristayot" ido kokoranari iboro kwape kangul: Atikasimu, itaabon luka ailipasia, ka nginibore kere. Kopote luka Protestant da, ibore ngipengin, kotupitos cut ikukutuke.

121 Eebo, kalototo ber oni iingaren mot kwana. Eebo. Ebala Ngesi kwana, ebe, "Keraas nu aisisianakineta nuka Balaam."

Kwana, inyobo abu Balaam kiswama neamisiikina ngesi ebe mam nges-mam nges apedori aiken Isirael? Abu ngesi kolimok Balak ebuni na araut aomisiioit naajokan, bodo, ngesi aisukunyikin itunga lu opucit loka edeke. Ajaatar kesi-ajaatar kesi e-kepucit lokapolon kuju ngina, loaloseite kesi...loaloseite kesi ajaunor. Kosodete kesi...Anyaritai epucit ebe "Epucit loka Baal-pe-o-r, Baal-peor." Aomit eong p-...peor, Baal-peor. Arai e-epucit, kanu aima.

Kosodi Balaam atemar, "Kwana, alimokini eong ijo, Balak, abuni eong ainakin ijo aomisiioit nakajokan. Karai bon ijo...arai ijo...Mam Edeke ebuni aiken ngul, ngun kes nuejaas nen, aso abuni eong alimokin ijo nuibuni oni aswam. Mam oni ipedori alemar kes; konye karai bon ijo kopedori anyaraun kes lailo, ijuluni ijo iboro kere owaikon."

122 Itei ijo, becebec, becebec nuabu Constantine kiswama. Toma cut! Ngin nges apolou eraar "aisisianakin naka Balaam."

Inyobo apotu kesi kiswamata? Apotu do kesi...Abu aisisianakin naka Balak kobu kwap akidingos naka Isirael. Kosodete kesi aisukunyikin Isirael kere toma opucit lokapolon, aitelekaario naati napotu ngul kojaunotor. Ido nakenyouniata ngul alosit ngina, inyobo, apotu itunga lu luka Isirael kogeutu aanyunun angor nu nuko Moab nuebusiak, nuanapito inapen lusingobelete. Mam aputos bala apesurukec nulem kokwap kalaije. "Oo, ebusiak nu. Ikatunga! Eipone loasubitere ngun ido, oo, eipone loetodianarotor kwa." Kosodete ngul aibiror kanuka ngun, kosodete ageun aswam adoteu. Ido ajeni Balaam ebe arai mam Edeke ecamunit aiken ngul, abuni ngesi ayangar ngul lailo owai loka ediini kosodi aidupor anyunyura naka Edeke aiyar kes karaida biai; Eari do Edeke Elopel kes, arai kedumu Ngesi ngul kokinga naka Abeit.

123 Ido atipet ngipengin nainyounio ijo kosodi alomar okanisa aiboisit naka adumun aibatisao naka Emoyo Lokalaunan, itwanit ijo! (Mere kanukon, konye *kane*, ajai eong ainakin ngin koloma toma apak edit.) Itwanit! "Ejai ijo ekiror," abu kolimok Luther kane, loka Atur naka Sarudio. Akiroit ebe Sarudio akepolou ebe "etwanit." "Ejai ijo ekiror ebe ijari, konye itwanit!" Ngun kes abala Edeke. Eebo. Ianyu?

Ido neapotu kesi kiswamatar adoteu nakomoyo kokuju kangina, abu ekanisa kodukor anyoun kanejai aibatasao naka Emoyo Lokalaunan kiton odiini, apotu kesi kotwakata. Ikoni nen. Ngun kes nuabala Ebaibuli, ngun kes nuabala Edeke, inera nejaas ikanisan.

Kwana, akoto eong asiomakin yesi icebore kane, yeni...

124 Kosodi Edeke, Inyobo abu Ngesi kiswama? Ido kwana neapotu kesi kiswata ibore yenaronon yen, kosodete kesi ajaun toma adoteu, abu Edeke kooar ilukumin akaisaongon ka luaarei luka ngul kapak adiopet; ilukumin akaisaongon ka luaarei, kanuka adoteu. Adoteu nakomoyo, ebe ijo alimorit ebe irai "Ikristayot konye koroko ijari kwape kakwapin. Oo, onac, kodum Emoyo Lokalaunan! Konyou awai kama ejaas isaalan lu lumojong ka iboro...etwakito kesi; inyogongogoete kesi Aiyuunet naka Ikiyakia, arai eipone ece loka loka aiyuunet, kosodete alimun ailipasia adis nuiwadikatai oitabo loka ailipasinei, arai ibore kwa kangin. Mam Yesu elimokinitor iketunga einer ailip, abala Ngesi ebe, "Kilipa!" Kilipa! Eebo.

125 Kwana, epucit loka Constantine, bala kwape Balaam. Kwana koany. Kwape kepucit loka Balaam lokapiirit, abu Constantine da kojaunos kede epucit lokapiirit. Eebo. Aponi kisukunyikinai itunga luko Perugamo. Ido koany kwana na...

Kijaar eong icebore yeniwadikatai ne, alosi kwana eong ajalakin ngin. Eebo. Eebo. Ajai eong atamit alemun aiwadikaet na kane naka...Icebore yenabu eong kewadikate.

Aponi kisukunyikinai itunga luko Perugamo. Eebo, aponi kes kisukunyikinai opucit akaulo naka Airiamun naka Nicea. Aponi kesi kisukunyikinai opucit loka *Winter Solistice*; naerai akepolou "akolong, amaio naka akolong," loarai edeke lokapiirit; naerai olap lokitomonet ka luaarei 25. Ikapiirin kere enumunumete ngol, apaaran naka aurio naka edeke lokolong. Nges kerai apaaran nauriana kakere kotoma akwap, olap lokitomonet ka luaare 21. Kosodi do idiotunganan yenesiomit akiro nukolo nuka ekanisa ejeni ebe ikapiirin kes amaete kotoma apaaran kangin. Arai ainumunum.

Eebo, ajaatar Iromayon e...ajaatar kesi kaboliasio nukapolok, abolisio nuka Iromayon; ngun kes ajaatar Iromayon kotoma apaaran kangin naka akolong, kanuka aitununio aurio naka edeke lokolong. Ianyu?

126 Ido kwana...kosodete ngul aibwaikin epucit loepol kokuju kangina kosodete aisukunyikin Inikolain abunore nen. Oo! Ngin mam erai naabeit? "Asisianakin naka Balaam ejai tomakon." Itei ijo, elimokin luka Perugamo nuajaatar kesi, aboliasio nutiek. Kangina aomitos kesi ebe...Aomitos Inikolain lu ebe, "Eebo, kwana, ejok ngin. Epucit lo loepol erai ainunumun ngolikaru? Eebo." Aso do kwana kede aisukunyukinio nejaas luenyaritai ebe ikaanyanarak lukapolok, arai nukerai ngol kere kapakio kangun, ka nginibore kere, apotu kesi kitarautu ngin ibore yeninyikokinit: kanu aitolomun aelo, aitolomun adoteu, aiswamaun ekanisa loka Atulik; loerai ngolidiini kere loketepegan emeeba kotoma, erionget. Emamaeotor Edeke kerionget, ido elait ngolikiror kere loka ngol. Abala Ebaibuli kwangin.

Ido naeswamata kesi ngun, inyobo abu kiswamaun? Apotu kesi-kesi kotemas ebe kwana...Ajai kes ajaun kede eiswamae lokomoyo, aso apotu do kesi kijulakisi (Ejakait Yesu) apaaran naka aurio naka O-k-o-k-u loka Edeke anyoun kolap lokiwingonet (Loejenete esisiak lukajokak kere, ka idiotunganan yenejaatar kapukokinio nakomoyo, ebe aponi nges kouruunai kotoma apak naka esube bala naeuunere imerekekin ka nginibore kere: kolap lokiwingonet.) ainyakar kau kiton apaaran naka 25 Olap lokitomonet ka luaarei. Kosodete asalakin aima ebaga. Kwana erai do kwana aputosia. Ido inyobo...Oo, aitim. Ianyu? Eroko iyatanakinio ipucino luka ikapiirin tomake. Kodaun. Ikoni nen, isukunyikinitai, Baalam. "Ejai yesi aisisanakin naka Balaam akidingosikus." Erai kwangin. (Wu Edeke, kopuko ngin, Papa.) Ianyu? Apaaran nakaurio anyoun Olap lokiwingonet kiton...

127 Kwana, ebala ekewadikan loka akiro nukolo ebe "Ajenanuto kere ebalas ebe euruunitai Yesu kotoma Olap lokiwingonet kapak naelomunia aijar nace kere." Konye ejulakisi kesi ngin ainyakar kau kiton 25 Olap lokitomonet ka luaarei, akaulo naka apaarasia akany (itei ijo?) kanuka edeke lokapiirit, tetere kesi imorikikinite ikecepucinio nepepe: eikapirione ka Ekristayone. Ido mam Etulikane erai idiobore kotoma akwap dimarai bon atukos naka eikapirione lokamamus aijen ka Ekristayone loengeritai imorikikinitai nepepe. Edolit ngin. Abeit ngin. Ido luka Protestant luelomarete tomake eraas cut bec akoku naka naadote. Nges ngin cut bec.

Kwana, kingarak Edeke oni araut iketepegak luteni aitepeg idiobore yenimam erai yenika Edeke. Ianyu? Oo!

128 Kasodete aibwaikin eswamae loka Emoyo Lokalaunan neejai ngin, ijeni ijo nuabu ekaanyaran kolim? Abala ekaanyanaran ebe, "Kijaar oni kapedor aswam nu naarai erai ngesi "Akolong nakadolit." Umm! Oo, edumunete kesi abaagat, kwape kiswamatar kesi kotoma "Papa, Okoku, ka Emoyo Lokalaunan;" Matayo 28:19, koipone kangopengol, cut bec. Abeit cut, ejaatar kesi kabaagat, ejai kes ajaun kede eceipone loka eswamae lokomoyo, itei ijo. Konye mam ngin...

Abiala Ebaibuli ebe, "Kotoma akitukes nuka ikajenak iarei arai iuni nges itogogongere nginikirot." Abu Edeke kolim ngun, abu kolim ngun irwanauni. Arai ekoto Edeke aitogogong idiobore kere, abu Ngesi koyanga Petero, Yakobo, ka Yokana; nginibore kere yeneswamai Ngesi, ajaatar Ngesi ka ikajenak iarei kiton iuni kanu aitogogong nginibore kere yeneswamai Ngesi, anatar Naiwadikatai kere. Erai ngin nakabeit.

Konye, itei ijo, ejai iboro ludidik ngul abunore nen tetere kes elemunete ngin kanu araut kwangin. Ajeni Edeke ngun eroko apetetait naka akwap. Kanen apotu kesi kodumutu ngin, eiswamae lokomoyo, "Naarai arai ngesi O-k-o-k-u loka Edeke, eebo ibuni do oni alemun apaaran nakaurio naka edeke lokolong lokapiirit kasodete aitarauun ngin apaaran nakaurio naka Okoku loka Edeke, ido naarai erai ngesi akolong nakadolit." Umm! Umm! Ijeni ijo ebe, eroko luka Protestant ibiritos neejai ngin, icebore kwape kangin. Abeit cut, ti kes, elemas ngin awai cut kotoma kaNaiwadikatai kiton nenice. Oo, ikatunga! eong... Abwoutu-kabwoutu ber oni ipak edit. Eebo.

129 Ejai ne ibore idiopet yenedit yenakoto eong alemun. Kalemutu ber oni kangeset naka ekokoro kalo kane cut katipet noi. Oni kipedori aswam ngun? Eebo. Eebo, ibuni oni aisunyakini katipet, katipet noi kwana, ido ibuni ijo...Ibuni oni atironor nukapolok nuka Ngin. Aibodo ijai oni kwana?

Konye...akiro nukidioko...kajo,... Balaam,...

Erai ngin nakabeit, adum eong ngin.

Ejaas ijo da kwangin itunga...luikamunito aisisanakin naka Inikolain...

Aso kitoronikin;...konye arai mam...abunit...katipet, kasodi...ajiiikin kakes kekileng loka aitukuka.

Ngin yenejai akit, kopup nuelimonokini Emoyo ikanisan;...

Ikatunga! Kane neabu Constantine kiswama na, arai...Neapotu kesi kitemokinatar epucit lo lokapolon. Eong-eong...Ageu eong aikunyar awai kanejai ngin; alosi eong aidereun eroko eong esioma ngun naarai inyikokinit Emoyo Lokalaunan aibong kau, ngin nges apolou naabu eong keswama nuabu eong eswama; ebala, "Mam inyeikini ngin." Ianyu? Ebuni kane! A-ha, a-ha, a-ha. Eebo. Apolou na...

130 Neapotu kesi kitemonokinatar ibore yenikapolon yen, (Akoto eong alimokin ijo nuapotu kiswamaunos tetere ijo imisiikini.) arai ngin auruunio naka post-millenniums (akaulo naka apugan naka ikar elukumit.) Naarai abu ekanisa kobar noi; abarit noi kwape apedoria. Ido arai bodo inyo? Agogong noi. Ajai kuju naka apugan; arai apugan kede akwap luemorikikina nepepe.

Kwana, Edeke kede akabakanut? Ido mam kereka Yesu abala ebe apotu kesi...Nginidiopet kotoma akwapin kanu araas nuke, abu kolimok Yesu kwangin, abu kitodianak Nges ajaakanuto nuka akwap, ebala. "Ngun kere eraas nukang. Eswamai eong kede kes idiobore kere yenakoto eong." Ido aimorikikin Edeke kede ajokit nepepe? Oo, mam ijo ipedori aswam ngun! Abeit cut, mam ijo ipedori. Ngin nges apolou eraar apugan erionget. Mam Edeke erai, erionget lo. Mam cut, mam ijo ipedori aswam ngun.

131 Konye ajaatar kesi kangin apakio ngun, ajaatar kesi ekanisakec loanyaritari Ekristayone; apotu kesi imorikikisi ngol kede apugan, ekayaiton loko Rome, kere. Ekaanyanaran lokapolon kangina loayait ngol kere, loarai Boni-...Akaulo naka apak naekedit apotu kesi konyarata ngol Ipaapa, konye arai ber ngesi-arai ber ngesi ekaanyanaran kapakio ngun. Ido Boniface III nges abu koraun ipaapa losodit.

Ido idumuni do oni ebe kane abu ngesi kiboikin ngina kwape ipaapa...edeke loajaatar kesi, kotoma adoketai naka etunganan. Ajaatar kesi ketem lokapolon. Ajaatar kesi kabar najokan. Ajaatar kesi kapedor nakapolon, kagogong, itemuan luadukitai kede amor nuketiai ido kisiritete kede iboro luketiai, ka ice da, kokujuke. Ido ajaatar kesi kikanisan lukapolok. Ayaito kesi apugan. Ido ijeni ijo inyo? Abu akirot kopupun ebe "arai ngin apugan naka ikar elukumit," ngun kere aisumuneta nejaas Iyudayan ngul lukican, ebe, "abu Edeke kojai kes" (nuabala Ngesi kobala ebe mam ebuni aswam), kosodete aitam ayangaun apugan naka ikar elukumit eroko abongun naka Ejakait Yesu. Kebongu Yesu nges ebunio apugan naka ikar elukumit.

132 Ngin nges ageunet naka akirot naanyaritari ebe post millennium (akaulo naka apugan naka ikar elukumit). Ido ngin nges apolou namam Atulik isisianakina abunore naka Ejakait Yesu, kiton lolo. "Ejaas kere okanisa. Erai na apugan naka ikar elukumit. Nginibore kere erai yenebeit ekanisa. Nges na." Itei ijo, akaulo naka apugan naka ikar elukumit (Oo, ikatunga!) oroko ber abongun naka Ejakait Yesu Kristo. Abu ngin inyikok alosit iingaren kiton nearere Constantine naabu kojaun akidingos naka okaru A.D. 312 ka-ka... akaulo naka atwanare naka Yesu. A.D. 312 ka 606. Kitaraunete do Borniface III kwape ekaanyanaran lokapolon araibo ipaapa ayait ekanisa kere loka akwap.

133 Acamunit eong ebe ingetakini oni ekokoro lo, ido abuni do eong ajaun kede ngin. Kituritete Edeke. Ianyu. Kwana, abu eong kabwou ber mot. Ekokoro lo 17:

Ngin yenejai akit, kopup nuelimonokini Emoyo-Emoyo ikanisan; ngin yenipikori ainakini nges ainyam emanu loibwaitai, ainakini da ngesi amoru naekwang, ido iwadikatai amoru ekiror lokitetet, lomam itunganan ejeni nabarai yenijauni.

Biai araibo ejok yesi ti aidareun kiton akuar naka moi, araibo kajaunos kede ngin kopekwana? [Kobongokini atukos ebe, "Kopekwana!"-Ekewa.] Ejok.

134 Papa lokotoma Akuj, elipit eong ebe iinakini Ijo itunga amisiikin kwana, kOkiror loka Yesu, tetere kesi emisiikinite kotoma nginiboisit kere (ka neelosete atepun), tetere kes ejenunete ebe enera eong-eong na naarai erai-erai Aijulunet naka Edeke nainak Ijo eong. Amen.

...ngin yenipikori...

135 Ibore yenisodit yenakoto eong ijo aitunit: ebe nginidiopet kotoma aisiiranareta kanu iwadikaikinitai mere neejai ekanisa, konye neejai emalaika loka ekanisa. Kongolia ber ijo kau ne, nasodit, ekanisa loka Epe-...Neejai ekanisa..Neejai...

Ido kiwadikak emalaika loka ekanisa loka Epeso...(Biai ngin edolit?)

Eebo, atur naka ekanisa loatupakini, ekokoro lo 8:

...Ido kiwadikak emalaika loka ekanisa loka Sumuruna...

Eebo, kosodi ekokoro lo 12:

...Ido kiwadikak emalaika loka ekanisa loka Perugamo...(Biai ngin edolit?)

Iwadikaikitai aisiiraret neejai engarenon loka ekanisa. Kingarak Edeke ekesa ngol loenyouni awai kaneejai Aisiiraret! Konye aponi koinakinai emalaika, ido emalaika ajai akaninike kwap naka ayaiteke elopet, ainakinit ngin apedor naebuni kamaKeng naka alosit iingaren, kakaniKe nakoteten. Ejaas ngul akaniKe nakoteten, akepolou, ejaas ngul toma apedor nakapolon kakere apak naejaatar kesi ne toma akwap; naarai eraas kesi Atalai nuelomunito kamaKeng, acaikin Aica neejai atur naka ekanisa kangol. Ianyu? "Ido kiwadikak emalaika loka ekanisa." Iwadikaikitai aacerit (naka atur) loikamunito akiro nuka atur kangin. Ikamunito emalaika loka ekanisa akiro arai mam nges elimonokini Akirot. Abeit ngin. Ido ejaun

emalaika ngol abongonokin kotoma otube.

136 Imwaas bo ai iitunitos aitapoet kane pac naekamunit...Koany ne. Neajaar eong-neajaar eong aperi kojamu, kosodi Emoyo Lokalaunan abunore; kasodi eong angoliar kau, ajai akaberu nen. Ido ajai eong aperi kanen, kasodi eong alosit Akonyen ngina, kasodi eong aanyun itunga ngul kere. Ido iitunito yesi abu eong kalimokinite yesi ngun? Yesi kere iitunito. Ianyu?

Kasodi eong atemar, "Eebo, kesi eraas...?"

Ebala ngesi ebe, "Eraas kesi lukon."

Kasodi eong atemar, "Ngul kere luka Branham?"

Ebala ngesi ebe, "Mam." Ejaas imilionin luka ngul. Abu ngesi kotema, "Ngul kes luabu ijo kibelok."

Kasodi eong atemar, "Luabu eong ebelok?"

"Itei ijo aberu ngin najai ijo aisima noi, kangina, naadit ibus," ebala, "adeparit ngin ikar akaisakanykaongon apak nakingarenikino ijo nges neejai Kristo."

Kasodi eong atemar, "Oo!" abu eong atema, "Akepolou abu do eong kakuriana nu?"

Kosodi ngesi atemar, "Idarit isio kane abongun naka Ejakait."

137 Abu eong katema, "Akoto eong aanyun Nges."

Ebala, "Mam ijo ipedori aanyun Nges kopekwana, konye" ebala, "eyapie Nges abunore. Kidarit isio Nges, konye naebunio Ngesi, ebuni ber Ngesi nasodit nejai ijo. Ido ibunio ijo atubokin kwape ejaatar Akiro Nukajokak nuibu ijo kolimonok, ido ibuni isio araut ikonitunga."

"Eebo," abu eong katema, "akepolou ibala ijo ebe ikamunito eong akiro kanuka lu kere?"

"Isio kere!"

Abu eong katema, "Eebo, biai ebuni nginitunganan...?"

Ebala, "Aponi kouruun ijo irai ekengarenon."

Kasodi eong atemar, "Eebo, biai epote nginitunganan kere akiro aikamun?"

Abu ngesi kotema ebe, "Ngolikengarenon."

Eong ebe, "Dobodo Paul Lokalaunan?"

Ebala, "Ikamunete nges da akiro nuka aketur."

"Eebo, abu eong katema, "Alimonokit eong Akiro Nukajokak ngupengun nuabu ngol kolimonok."

Kosodete imilionin luka iporotoi aikeun, ebalas, "Iyengi isio kotoma kangin!" [Kotemari atukos ebe, "Amen!"-Ekewa.] Ianyu? Ikoni nen, "aiyeng."

Aso *emalaika* loka Edeke, ekiyafia neejai ekanisa, ikamunito akiro arai mam nges elimonokini Akirot. Eebo.

138 "Emanu loibwaitai." Ainakisi ber aijulunet koipone lokajokan kakere lokipedoria oni. Inyobo itupusit "emanu loibwaitai?" Emanu loibwaitai nges emanu loedaritai kotoma aiboisit...araibo emugati loka aitodikin, kotoma Obaibuli, arai ngol kanuka isasedotin bon. Imwaas bo ai ejaas ne luejenete ngun? Ianyu? Kwana, mam kerai kanuka...Ajaatar kesi kemugati kanuka esipan, konye ajai emugati loetegelikina kanuka isasedotin. Biai ngin erai nakabeit?

Erai lo emugati loitegelikina, emugati loitegelikina, emanu loibwaitai. Inyobo ngin? Ingaibo erai Emanuwok? Kristo. Eebo, Yokana Lokalaunan, esula lo 6, ekokoro loka 48 kiton 50, arai ijai ijo aiwadik ngin. Abala Yesu ebe arai Ngesi "Emugati loka Ajar loabuni kotoma Akuj," Emanu.

139 Eebo, inyobo "emanu loibwaitai"? Emanu lomam einakinio esipan kere. Ebukokinio Apukokinio neejai emalaika loka ekanisa, apukokinio naka Akirot. Ianyu? Apukokinio naka Akirot einakinio neejai emalaika loka atur, naarai ibwaitai kanenice kere, kosodete ainyakun apukor (emanu loibwaitai) neejaas... iwadikaikinitai neejai emalaika loka ekanisa. Ianyu? Imisiiki ijo ngin? Erai apukokinio naepol naka nuerai Kristo, aticepak anyararet nakokuju.

140 Mam eong ajeni arai abu Luther komisiik ngun? Mam eong ajeni arai abu Wesley komisiik ngun kotoma apaaranike? Oo! Mam eong ajeni arai abu Lokalaunan Martin komisiik ngun? Irenaeus? Kwana, ijani ijo, mam ber ekanisa elimorit ngul da kwape lukalaunak, mam ngul keraas lukalaunak kanejaas kesi; konye

ngul kes ajaas kede aanyuneta etupanakinete. Apotu kesi kolemutu ikaanyanarakakec kikulepek, ka ice da, kanu alimor araun kwape lukalaunak.

Kanukiinyo, kane pac, abu aberu kolot alemun eitabo loenyaritai ebe Aijar naka Lokalaunan Martin (Life of Saint Martin) kotoma oduuka loka iitabon. Ido neabu...Abu ngesi kotema ebe, "Lokalaunan Martin."

141 Kosodi etunganan ailamar akeju kinga, ebalu, "Mam ngol ejena noi kotoma akiro nukolo, mam nges aponi kolimoroi kwape lokalaunan." Ianyu? Kiton ber apak napena da; konye ejaatar Edeke ka ekekiror, ejeni Edeke nuerai ngol.

Itei ijo, ngin nges atiaketait. Ekoto icetunganan ekekiror kama ejai icebore yeniti, konye itunga luka Edeke mam kes ekotosi iboro kwa kangul. Mam kes ekotosi iboro lukapolok lutiok, ka icebore yeniti; ekotosi araut luyapaara, aiyapaara ngin. Eipone lokalositi kuju nges kwap. "Ngin yenitidisiar itopoloorio; ngin yenitopoloor itidisiario." Aitidisiar. Mam itami araut icebore yenapolon, konye koraun nuirai ijo. Ianyu? Koraun yenidit kakonyen nuka Edeke, koraun yenidit kakonyenekon elopet, nginitunganan kere ejai kujukon. "Koraun ngol loerai lokapolon kakidngosikus ebulesit loka kere."

Ingaibo tikepedo araun yenaplon adepar Yesu Krsito loabu kowen akengabet kosodi ailot akeje nuka ikesisiak? Ebulesit lokelotan akeje, nges abu Ngesi koraun. Edeke loka Akuj, Ekasuban loka akuj ka akwap, ailot akeje nukarokok nuka ikalokak agaria (Oo!) kede alupok ka iboro, ka apua nuka orotin, neapotu ikecenapen konapunitotor ngun, kosodi Ngesi ailotar ngun awai; ebulesit lokelotan akeje, ngol nges arai Ngesi. Ido kiwomit oni ebe, "Irai oni icetunganan. Ekoto oni araut Doctor, Ph.D., mutan." Oo, ikatunga! Mam ngun erai Kristo. Mam ngun itodiaritos amin...Yesu Kristo lominat. Abu Ngesi koraun ebulesit nejaas itunga kere. Abeit ngin. Abu kisisianak oni kaanyunet ebe ibusakinit oni aiswamaikin luce kwape abu Ngesi kiswamaikinia oni. Ngol-ngol nges Ejakaitika. Ibore yenitaraunit Nges lokapolon, naarai abu Ngesi kitidisiar. Itei ijo, ngin nges abu kitarau Nges lokapolon.

142 Ajaun eong kede arereng airiamunun kede ice kotoma otunga lukapolok kotoma aijaraka, ido ajaun eong kede arereng airiamunun kede itunga luaomito ebe eraasi kesi lukapolok. Etunganan lokapolon lokabeit etamit aitarau ijo lokapolon ido nges mam erai ibore. Ianyu? Ariamunun kede ikabakan, kaiceda, ido itunga lueraas teni itunga lukajokak. Ido kiriamunos ijo kede Ekristayot obe loegogong, inapen luinyilikikas, ka iboro koipone kangol. Ido ice kotoma kakesi epote olutaari kosubito bala abokis naisikakitai inapen kosodete...Ianyu? Oo, ikatunga! Eebo, erai kwana ber...Eebo.

143 "Emanu loibwaitai," icebore yenitegelikina. Inyobo ibore yenitegelikina? Mam erai icebore yen... Arerengusio nuka Emoyo Lokalaunan? Oo, mam, ngol erai kanuka esipan kere. Konye "emanu loibwaitai" erai apukokinio naitegelikina naarai ejai ngesi aisisianakin luce. Ianyu? Kerai aijen naiyatakina naka Naiwadikatai, tetere nges epedori aisisianakin luce. Ibusakinit nges araut. Biai ngin edolit? Mam ijo ipedori aijar kikiara adepar ekecokonikon. Ekoto ijo aitunit ngun, itei ijo. Arai erai ngol ekeedaran, ekoto nges kojoni neejai emanu, aitan amerekekin. Biai ngin edolit? Kwana, loitegelikina. Ido kosesen na apak edit, apukokinio, emanu lobwaitai.

144 Kwana, "Amoru nakwangan, ejaunos ngesi kede amoru nakwangan." Ebuni emalaika ajaut kede amoru nakwangan. Erai ngin amoru, biai mam erai? [Kotemari onac, "Alaunit."-Ekewa.] Kosodi...Edolit ngesi, "alaunit."

Abu Ngesi-Ngesi kiriamunos kede etunganan apak adiopet ido arai ekekiror Simon, kosodi Ngesi aijulakin ekekiror kiton Amoru, "Petero." Inyobo? Ajaatar ngesi kilaceta. Biai ngin naabeit? Abu Ngesi kijulak ekiror kangol kosodi aitarau ngol amoru. Biai ngin naabeit? Ajaatar Petero kelacet naarai arai ngesi ajaatar kilaceta luka Akabakanut.

"Ekiror lokitetet, ekiror lokitetet loiwadikakinitai amoru lomam idiotungan ejeni konye nges elopet." Ejeni ngesi nuerai ngesi, konye mam nges epedori alimokin luce. Ianyu? Ianyu? Lomam idiotungan ejeni dimarai ngesi elopet. Ianyu? Ajeni Petero ebe ajaatar ngesi kelacet, konye mam ijo ipupunitor nges edakunun kanuka ngol. Ianyu? Ikesa lu luedakununos kanuka nueraas kesi duc mam kes eraas ibore. A-ha, a-ha. "Amoru nakwangan, ido erai ekiror lokitetet." Mere ekekiror elopet, konye erai loka icetunganan yenegitara (Ianyu?) loejeni ngesi elopet; ngin yenijauni amoru, ekiror. Itei ijo, emanu loitegelikina kanu aitania ekanisa, kiitu ngun.

145 Kiitu ebe naeswamaikinotor Nu neejai ekanisa lo, arai atur ngipengin (apak ngipengin napukorere Nu) nges asipokiniata Inikolain engarenon loka ekanisa *kec*, ipaapa, kosodete ainakin nges etem loka amoru nakwangan kokwap, kokwapuke, etem loka amoru nuketiai. Biai ngin erai nakabeit? Kosodete apesikin ngol kede iboro luebusiak, ka iboro kwa kangul, lueraas luketiai mamake.

Konye emalaiaka lo loka Ejakait ajeni ingai kerai *ngesi*, okoku loka Edeke, kotoma-kotoma apukokinio naka Yesu Kristo.

Ido nake-nakesipokiniata Inikolain ekengarenon *kec* kosodete aibwaikin amor nuketiai akejeneke

(Ianyu?), abu Edeke kosipok Ekengarenon loelelebas kede Emoyo Lokalaunan kanuka aketukos naelelebas kede Emoyo Lokalaunan; Ekemalaika; kosodi abu kibwaik mamake aipucet naka ekiror, konye mam ibusakinit nges apukor ekiror ngol. Ibusakinit aidarit ekiror ngol kanukeng bon, itei ijo. "Lomam idiotunganan ejeni konye nges elopet."

"Emanu loibwaitai, amoru, ekiror lokitetet lomam yenejени konye nges elopet," ido ewadikaikitai neejai emalaika loka ekanisa. Mam eong ajeni arai kejeni Luther ngun? Mam eong ajeni arai kejeni Wesley ngun? Mam eong ajeni arai-arai kejenete luce imalaikan lukapolok?

146 Ido mam eong ajeni lolo, arai kotoma...Ebunit toma akwap katipet, Emalaika lokapolon loka Aica ngin naebuni mamawok, naebuni aingarenikin oni alomun kinga, Emoyo Lokalaunan lokapolon, ebunit kotoma apedor, ido ebuni aingarenikin oni neejai Ejakait Yesu Kristo. Aticepak epedori ngesi komam ejeni, konye ebuni ngesi ajaun ne adiopet kotoma apaarasia kanu. Ebuni ngesi ainakin...Ebuni Edeke ainakin nges ajenun. Ebuni Edeke aitogogong Lokeng. Ngun kes nuabala Ngesi neajaar Yesu ne ido komam ngul ejenete Nges, itei ijo. Abala Ngesi ebe, "Arai mam eong eswamai aswamisio nuka Papaka mam do iyuunete Eong: konye arai eswamai eong aswamisio nuka PapapKa, ido komam yesi kiyuunete Eong, kiyuutu do aswamisio." Biai ngin erai abeit?

147 Oo, biai Ngesi mam kereka eumokina! Eitabo loka Apukokinio. Kwana, iseseni ijo neejaas ikanisan? Kosesen ber ijo eipone loisikisikaikinar kesi kokinga? Kosesen ber ijo eipone loabu ekanisa kolomaria kinga kane? Kwana, na nges atur naijai oni adolokin akuar naka moi, kitojok Ejakait.

Kwana, elipit eong aitimio ebe esiboi eong yesi adaun aojau, konye amuno eong-eong-eong ebe ipote yesi aisisiaun icebore. Ido kiwadikaete akiro, tetere ne...ajaatar eong ice bobo ne, nepetai apapulai auni arai aongon bobo, konye amameotor eong kapak naka adolokin nen, ido, naarai ejai apak aekar, ido erai nepetai idakikan itomon ka lukanykaarei alomar...Konye ibuni oni aibwaikin ngun oitaabo, ber, aso do ibuni oni-ibuni oni-ibuni oni ajaun kede ngun.

148 Kwana, imwaas bo ai eminas Nges kede ikusitauon kere? Imwaas bo ai iyuunito Nges kede ikusitauon kere? Oo! Kwana, iwomit ijo ebe ti eong kabwo kane kanu bon ebe mam oni irai erionget-ebe mam oni irai iriongeta kasodi alimun iboro ngul? Yesi imisiikisi do kwana iinacan kanukiinyo eong-eong (akaijar kere) etiji eong ibore ngin? Itei ijo, arai Emoyo Lokalaunan. Mam eong elopet apedorit amisiikin ngin, mam eong ajeni ngun kiton apaarasi adis kau. Ianyu? Mam eong ajeni ibore yenainakini eong aswam ngun; mam eong ajeni ibore yeniduc atapitor eong aiworoenen asurwokinit angor nuejarete erono, ka iboro; mam eong ejeni, ajeni do eong kwana. Ianyu?

149 Kwana, ejeni Edeke ebe eroko iboro lu. Kane elemunitai cut kotoma akiro nukolo, kosodete abunore... Abala Ebaibuli ebe...Kwana kongolia lailo, abala Ebaibuli ebe (naperoko apak) ebe apote iboro lu aismamaun. Kwana, ijeni oni ngun, mam tope? Kasodete oni alemun akiro nukolo naka atur kangin, kasodete aanyun ebe abu kismamaun cut bec kwape abalar Ebaibuli. Biai ngin nakabeit? Eebo, aso, nakidolokinio oni kwap ne aturiwok naka ekanisa, ka nuedwarit ngesi kanuka aturiwok naka ekanisa, epote aismamaun cut becebec kwape abalar Edeke ebe apote aismamaun. Yesi kiyuunito ngun? Oo, mam yesi ikotosi...

Oo, Epuda eong aanyun Nges, asesen ereeteke,

Awoere nginipaaran kanuka asianutuke naka aitaro

Korotin lukaibuses ekalalai eong;

Atuboros ican, ajai do kwana ore, aiyalama apaarasia kere.

Oo, epuda eong aanyun Nges, asesen...(Imwaas bo ai ipudas?)

Awoere nginipaaran kanuka asianutuke naka aitajario

Korotin lukaibuses ekalalai eong;

Atuboros ican, ajai do kwana ore, aiyalama apaarasia kere.

150 Kwana kwape iyoganakinotor yesi idiopet kayenice, iingaren, kau, ka airimor, kede luka Methodist kere, Baptist, Presbyterian, nuerai ngin kere:

Kwape alosio eong kotoma akwap kane, awoi kwape kalosio,

Oo, aitodianakin itauon Kalv-...(Mere ekanisa, Kalvari.) Kotoma aleles nakarengan,

Ipu imacarin luicumucumete ekatau, kokinga ka toma;

Konye ingarenikit Ejakaitika eong ngaren, mamaKeng ibusakinit eong aimakakina.

Kabwaata kwana:

Oo, epuda eong aanyun Nges, asesen ereeteKe

Awoere nginipaaran...(Ekiasi awokokanin kuju.)...kanuka asianutuke naka aitarario:

Korotin lukaibuses ekalalai eong;

Atuboros ican, ajai do kwana ore, aiyalama apaarasia kere.

151 Oo, eipone loaminar eong Nges! Eipone loaminar eong Nges! Lokaumokin! Lokaumokin!

Eumokina, eumokna Yesu mamaka,

Ekapuron, Ekapolon loka Ainapakin, Ngesi Edeke Lokapedor;

Oo, aitajar eong, aidarit eong kama ka adiakar kere ka ileic,

Eumokina Ekalakunanika, kituritete Ekekiror!

Aoliorit eong, kwana abongu eong, alacakina kama ejai etube,

Einakini Yesu alacakinio ka aitajario naileleba;

Aitajar eong ka aidarit eong oo, kama ejai adiakar kere ka ileic,

Eumokina ekalakunanika, kituritete Eke...

Nginitunganan kere, kocelantar teni:

Eumokina, eumokna Yesu mamaka,

Ekapuron, Ekapolon loka Ainapakin, Ngesi Edeke Lokapedor;

Oo, aitajar eong, aidarit eong kama ka adiakar kere ka ileic,

Eumokina Ekalakunanika, kituritete Ekekiror!

Oo, eipone loeumokinar!

Eumokina, eumokna Yesu mamaka,

Ekapuron, Ekapolon loka Ainapakin, Ngesi Edeke Lokapedor;

Oo, aitajar eong, aidarit eong kama ka adiakar kere ka ileic,

Eumokina ekalakunanika, kituritete Ekekiror!

152 Katemasi kere nepepe ebe, "Kituritete Ekekiror!" [Kolimunete Onac Branham nepepe kede esipan-Ekewa.]: "Kituritete Ekekiror!" Ekalakunanika! Kiitunite akuar naka moi, esawa ediopet. Kiton esawa ngol, kiton nakibonguna ijo bobo, kiswama nu:

Kouparos nepepe kEkiror loka Yesu,

Ikoku yenaiturur ka ican;

Einakini ijo aiyalama, ainapakin...(Eyalama eong aanyun yesi kane inacan, Kisirereng Ejakait yes.)

...neilosu ijo kere.

Ekiror loketiai (ekiror loketiai), ejijim bo lolo biai! (Oo ejijim bo lolo biai!)

Amun naka akwap ka aiyalama naka Akuj;

Ekiror loketiai (ekiror loketiai), oo, ejijim bo lolo biai!

Amun naka akwap ka aiyalama naka Akuj.

Kwape kituluro oni awokokwes kwap kwana kotoma ailip, kanuka ekosio lokawasia, arai atutubet nakawasia:

Akukokin Kokiror loka Yesu,

Aibirokin kwap ko...(Ejakait Edeke, kitangaleu lu, Ejakait kwape...)...ibuni aitanap Nges aboko,

Kengetakin alositewok.



www.messagehub.info

Nuelimonokinit

William Marrion Branham

"... toma apaarasia nuka eporoto..." Apuk. 10:7